

WEB N.V coriendo cu un deficit di 20 miyon florin



Pagina 2

‘Mester respeta adictonan manera cualkier otro persona’



Pagina 3

Gobierno a institui comision special pa evalua proceduranan social



Pagina 11

Grasshoppers ta derota Stars CMB



Pagina 18

Cayman Islands: Conflicto cu Reino Uni encuanto cooperacion hudicial

Pagina 7

Coreccion

Ayera riba front page y riba pagina 3, Bon Dia Aruba a publica un amplio cobertura tocante e MoU (memorandum of understanding) cu a keda firma pa e construcion di otro hotel/resort. Eroneamente, nos a publica e nomber bou di 'St. Louis Resort', pero ta trata di 'St. Regis Resort' cu ta e cadena di hotel mas halto di calidad riba e portofolio cu Marriott & Starwood ta maneha.

Bon Dia Aruba como medio responsabel ta pidi disculpa pa cualkier inconveniente of mal comprendemento cu esaki por a ocasiona.

Pedro Vargas general manager nobo di Marriot's Aruba Ocean Club



ORANJESTAD –1 di october venidero, Marriot's Aruba Ocean Club lo conoce un General Manager nobo. Ta trata di e hoben hotelero, Pedro Vargas, kende recientemente a keda nombra den e posicion aki, y e lo asumi e reto nobo aki pronto.

Pedro Vargas ta un profesional Colombiano residencia pa mas cu 25 aña na Aruba. El gradua den administra-

cion hotelero y turismo den e instituto Centro Nacional di Hotelero y Turismo, SENA, na Bogota. Unabes cu el a establece na Aruba, e profesional aki a ocupa diferente funcion den e sector hotelero. Ademas el a realisa diferente curso na Aruba. Na 2011 el a obtene un degree den management and administration otorga na Universidad di Aruba.

Sr. Vargas tin un trayectoria amplio y exitoso como hotelero. Fei 2014 el a keda nombra como director di operacion na Marriott Aruba Surf Club. Ta bale la pena menciona cu bou e liderazgo di sr. Vargas, Marriott Aruba Surf Club a ricibi varios reconocimiento den nos region, hunto cu e premio Wold Class Resort Award na 2017.

Awe firma di acuerdo pa garantisa cupo di trabou na Excelsior Casino



ORANJESTAD – Awe a keda palabra cu un protocol entrega pa sindicato FTA na gerencia di Excelsior Casino ta wordo firma den presencia di mediador di gobierno, Anselmo Pontilius.

E acto aki a tuma luga despues di varios negociacion pa evita cu e casino aki ta cera su porta afectando mas cu 60 trahadonan incluyendo miembronan di e gerencia. E preocupacion si e casino ta keda den operacion si of no, a keda palabra den todo caso cu e casino no lo cera aworaki. E casino ta keda den operacion y nan lo sigui evalua kico lo bay pasa otro aña. E aña venidero lo tin plania caba un

renobacion grandi na Holiday Inn hotel.

Sr. Pontilius a declara na e matutino aki cu e reunion di awe tin como obhetivo pa firma un acuerdo. E ta un acuerdo basico entre FTA y e dunado di trabou, y esun cu ta opera e casino actualmente. Awe tambe e partinan lo tende bou cual condicion esun cu tin e licencia di operacion a extende e contracto cu e operado existente, ya cu e contracto cu nan tabatin a vence diamars ultimo.

Mediador di gobierno por tende cu di parti di FTA cu ta representa e trahadonan ta existi cierto tranquilidad laboral. Esaki debi na e echo cu

e trahadonan por haya garantia cu nan por sigui traha normal pa e proximo lunanan, te ora cu e aña nobo habri. Sinembargo ainda ta existi un ambiente di duda si berdaderamente e mesun operado actual lo keda encarga cu e casino aki.

“Esey nos lo bay tende mañan”, segun mediador di gobierno. Den todo caso e documento menciona ta keda pendiente pa firme awe, cu ta un documento basico ariba loke FTA mester haci hunto cu e dunado di trabou. E firma di e acuerdo aki no solamente tin di haber pa sigura e cupo di trabou, pero tambe pa wak algun condicionnan di trabou tambe.

WEB N.V coriendo cu un deficit di 20 miyon florin

ORANJESTAD – E compania di utilidad WEB N.V. ta coriendo riba un deficit di alrededor di 20 miyon florin, mientras cu gobierno ta abstene di atende cu esaki debidamente, segun e lider di fraccion di AVP Marlon Sneek.

E ta lamenta como miembro di oposicion cu gobierno a abstene di manda pa nan e carta cu WEB N.V a manda Utilities, caminda ta wordo urgi pa bin cu aumento riba e tarifa pa atende cu e situacion di deficit aki. Nan tin informacion cu e compania estatal aki ta coriendo den cora cu un deficit di 20 miyon florin pa loke ta e presupuesto di WEB N.V.

E ta kere cu mester yega na un prijs di e tarifa cu por trece balans pa e compania aki no perde. Pero ya caba e compania ta perdiendo placa, pero cualkier ahustacion no lo wordo compensa di biaha pa baha e deficit aki di e tres lunanan aki. Sin conta cu e compania estatal aki, gobierno di gabinete Wever-Croes (MEP-POR-RED) ta pidiendo dividendo tambe. Parlamentario Sneek a indica cu e problema ta cu tres luna pasa nan a haci un peticion y te dia di awe nan no a haya e contesta fei di gobierno riba e tarifa di servicio publico di awa y coriente. Tambe nan a pidi un reunion publico pa debati riba e tema aki den parlamento, pero te ainda



presidente di nos organo legislativo no a honra e peticion aki.

Nan no tin cifranan segun sr. Sneek, pero nan tin ta datonan extra oficial, ya cu oficialmente gobierno no ta duna documento ni informa na parlamento. Segun datonan extra oficial, tarifa mester a subi alrededor di 15

pa 20%. Sr. Sneek a bisa cu nan no kier uza e cifra aki. P'esey nan ta pidi e carta caminda WEB Aruba N.V a manda pa Utilities of gobierno, pero 'gobierno no ta duna cara'. E ta lamenta cu e mesun fraccion di MEP cu ta boga di bin cu un politica nobo ta negligisha e tema aki. “Banda di no tuma accion pa e compania por ta sano; y e

por ta produciendo y haciendo ganashi, bo kier ranca dividendo fei nan tambe”, e di. E fraccion di oposicion ta mira maniobranan caba riba loke tin di haber cu entrada di gobierno, ya cu nan no ta genera entrada pa cumpli cu nan compromiso, manera a wordo pronostica. Te hasta den e di dos kwartaal Banco Central no tabata riba lista pa duna dividendo; pero ya a saca 8.8 miyon di dividendo fei e instancia aki.

Segun e parlamentario Sneek, e maneho aki di gobierno lo pone e instancianan aki den un situacion precario na momento cu nan no por inverti y garantisa nan mes continuidad.

Fundacion Hands4addicts:

‘Mester respeta e adictonan manera cualkier otro hende’



ORANJESTAD –Nicole De Cuba voorzitter y Alejandra Vallejo cu ta secretaria di Fundacion Hands4addicts ta papia di e trato cu tin pa adicto den comunidad y e trabou cu nan ta haci pa e adictonan.

5 aña pasa sra. De Cuba ta splica cu a cuminsa haci e trabou di yuda adicto hunto cu rode kruis. E ta bisa cu hendenan tabata yama pa asina duna nan cuminda pa por hiba pa e adictonan. “A yega un momento cu a stop pa motibo di budget anto mi a cuminsa hacie riba mi mes. Den temporada di Pasco mi mes tabata hiba cuminda of kico cu ta pa yuda.”

Segun Sra. De Cuba, e tabata traha manera stagaire den psiquiatria na Centro Colorado, e motibo aki e conoce mayoria di nan. Un dia un a pasa algo desagradabel kende sra. De Cuba tabata dunando cuminda, y persona a bin graba y burla di nan cual e adictonan no ta sinti comodo ora hende grabanan.

Sinembargo sra. De Cuba a pone riba medio social cu e ta un falta di respet di saca un potret of graba sin permiso di hende ‘no paso nan ta adicto si mag’. “Hopi hende a reacciona di

locual mi a pone. Mi a acerca un amigo y di eynan e resto a acerca pa nos haci e fundacion posibel.”

E ta continua splica cu mester a haci e fundacion oficial pa asina hende of luganan cu ta aporta productonan pa logra haci nan cuminda. E ta remarca cu riba medionan social tin potret di nan actividad cu e permiso di adictonan. Agregando cu nan sa cua si kier y no kier y nan ta respeta nan decision.

“Tin di nan cu ta bisa cu ta prefera saca potret di lomba of na banda, pero algun hende ta yega y kier saca nan potret sin conoce nan, sin nan permiso.” E ta splica cua ta e diferencia di nan y cualkier otro persona cu no ta adicto ‘puntra nan si mag saca potret mescos cu cualkier otro hende’.

Sra. De Cuba ta bisa cu nan mes di e fundacion ta bira defensivo ora nan wak algo asina pasa. E ta splica cu adictonan mes ta acerca na algun di e fundacion bisando cu nan no ta sinti bon ora hende yega anto ta insultan an ‘nan tin e confiansa cu nos’. E ta remarca cu tin biaha hende den alto rango ta scop nan y trata nan malo. “Pa motibo cu nan ta adicto mester



trata nan malo?”

Sinembargo sra. Vallejo ta bisa cu lentamente e situacion ta cambiando. Pa nan trabou cu ta nan haciendo, tin mas hende ta acerca nan. “Ora ami ta eynan personalmente manera hende mulhe, mi no a yega di sinti insegur, of den peliger of manera nan ta bay horta ami.”

Sra. Vallejo ta splica cu e no tin e sensacion cu algo malo ta bay pas’e, pa motibo di e pensamiento cu semper tin for di chikito cu nan ta bay haci algo malo of haci daño, pero e a aclara cu na niun momento el a sinti cu nan ta haci daño. E ta agrega si cu ta duna nan cuminda, y no placa.

“Tin varios di nan cu mi ta topa y mi ta hiba nan come algo na un luga cerca di e area. E problema di mi ta cu ora baha for di auto cu nan, hende ta bira wak mi manera con mi por hiba un adicto na un luga di come. Pero

nan ta hopi protective cu nos anto nan ta bisa nos pa pone atencion na hende pa motibo cu nos si ta rabia”, sra. Vallejo ta bisa.

E ta remarca cu nan ta respetuoso agregando cu un boluntario di e fundacion mes a pidi si por a drenta na nan luga y nan a dun’e ‘henter un tour’. Segun sra. Vallejo ta bisa cu nan a must’e tur e camindanan di luga unda nan ta keda. E ta remarca cu ya tin e confiansa y cu ta algo cu nan ta aprecia pa motibo cu nan sa cu nan no ta bay ser husga di algun di persona de fundacion.

“Nos no ta bay pusha nan den un forma religioso, legal of un manera di manipulacion.” E ta agrega si cu si algun ta acerca nan y bisa cu si nan kier bay rehabilitacion, lo bay yuda nan. “Tin cu kier bay un rehab, pero tin algun cu no, pero nos ta purbando di e miho manera cu nos por.”

Lider di AVP Mike Eman cu rueda di prensa urgente referente reportahe di Banco Central

ORANJESTAD – Ayera anochi, lider di partido AVP, Mike Eman a haci un publicacion riba su pagina di Facebook, indicando cu e lo tin un rueda di prensa urgente awe mainta 9’or. Segun e publicacion di Eman, ta trata aki di un reportahe haci pa Banco Central.

Por a tuma nota cu e minister encarga cu financia, Xiomara Ruiz-Maduro (MEP) a reacciona di biaha riba e comunicado aki di Eman, splicando cu lo ta trata di un reportahe cu a ser haci na luna di juli pa Banco Central di Aruba (BCA).

Segun Ruiz-Maduro ta declara riba su pagina di

Facebook, e locual cu ta e meta di Mike Eman ta pa ‘manipula bisando cu comercio no tin confiansa den e gobierno actual’.

E minister ta enfatisa cu ta e propio Mike Eman ta esun responsabel di a hisa debe nacional di Aruba, for di 49% pa 93% di GDP. “Ora Banco Central a bisa bo na 2011 cu nan ta mira deficit y debe nunca antes bisto, bo a mira otro banda y bo no a yama un conferencia di prensa”, sra. Ruiz-Maduro a bisa.

Den nos edicion di mañan, lo trece mas informacion di e rueda di prensa yama pa Mike Eman.



*Representante di Hotelco Development Company NV, Walter Stipa:***‘Aruba ta e miho isla di mundo pa inverti’**

ORANJESTAD - Despues cu e gobierno di Aruba a firma un MoU cu Caledonia Properties N.V. Marriott Internacional Inc. pa construi un resort di e cadena Sint Rignis e aña venidero, e representante di Hotelco Development Company NV, Walter Stipa a papia di e desaroyo turistico y e servicio cu Aruba ta ofrece tanto pa e turistanan como habitantenan.

El a bisa “E hendenan di Aruba tin oro akinan, ta e miho isla di mundo pa inverti” nan a scoge Aruba pa haci nan proximo proyecto pa motibo di e preparacion cultural cu e hende ta posee, tin prepara-



cion pa e servicio y ademas tin un relacion hopi fuerte cu Merca, tambe el a papia di e calidad cu un lugá mester ofrece pa e turistanan ora nan ta

scoge e destino pa nan biaha. Esaki ta un compromiso cu a ser negocia pa ofrece ‘turismo di calidad’ despues di 7 luna di negociacion, e proyecto ta ubica banda di Riu Antillas, den e acuerdo cu e desaroyador y e gobierno a yega cu otro, e desaroyador mester ‘upgrade’ e parke publico pa e comunidad lo por sigui haci uzo dje. Un parti di e acuerdo aki tambe ta cu gobierno a haci riba peticion di cuerpo policial pa re-ubica e warda di polis na un lugá mas adecua, cu por beneficia e turistanan di e areanan di High y Low Rise Hotel.

Ademas den e acuerdo cu e gobierno a haci cu e desaroyador, ta e parti di zwmles cu

pa hopi aña caba ta tuma lugá bao un condicion basta dificil, y como parti di e acuerdo ta pa mehora e condicion pa e lesnan di landamento lo por continua den un miho forma. E acuerdo aki no ta un acuerdo nobo, ta un re-negociacion cu e gobierno a haci pa ofrece e miho calidad posibel di camber.

E gobierno a logra negocia na lugá di bin cu un Time Share of un hotel cu casi 380 camber a logra reduci esaki pa practicamente e mita, pa asina e hendenan lo por haya un resort di calidad sin cu ta pone presion riba e área di High Rise.

Tin un otro proyecto di 680

camber All Inclusive cu a wordo otorga pa e gobierno anterior na Eagle Beach, cu tambe ta den negociacion y cu lo reduci e cantidad aki pa mas o menos 240 camber cu no lo bay ta All Inclusive tampoco sino un Resort di calidad.

Loke ta tumando lugá na e momentonan aki no ta gobierno di Aruba ta dunando mas permiso pa construi mas camber di hotel, al contrario ta bahando e compromisonan cu a wordo mara den pasado pa e gobierno anterior. Na e momentonan aki e gobierno di Aruba a logra reduci esaki cu casi 3000 camber cu te na e momentonan aki a wordo negocia.

‘Placa, material y personal 3 obstaculo pa crea film’

ORANJESTAD – Cine Aruba cu idea y proyecto pa haci e industria di Cine mas grandi na Aruba pa asina sigui trece mensahe positivo pa comunidad.

Locual Cine Aruba kier haci den nan plan segun sr. Pardo ta pa motibo cu nan ta wak tur e limitacionnan y tur obstaculonnan. “Nos meta ta pa establece un centro di cine na San Nicolas unda cu hoben y adulto por bin haya tayer y nan por haci nan film.”

Pa esunnan cu tin un idea di skirbi algo, un actor cu ta forma parti di produccion y ta haciendo un peli-



ula por haya un team pa asina haci e pelicula posibel den e centro di cine. E ta splica cu nan lo tin un camber cu tur locual nan colecta manera mesa, stoel, paña y locual ta necesario den hende su pelicula.

E ta agrega cu asina por cuminsa evita limitacion cu nan tin. Pa por crea mas posibilidad pa industria por crece. “Placa, material y personal ta tres obstaculo cu ta stroba e hende pa traha film na Aruba, mester ekipo pa por filma.”

Un di e cosnan cu sr. Pardo ta haya importante ta cu manera tin centro di bario, pero un kunst centrum na Aruba no tin pa por tin actividadnan manera baile, teatro, film ‘cualkier cos cu ta den arte’.

Cine Aruba tin tayernan pa audio, sound, musica, diseño y mas. Proyecto di actuacion ta bay cuminsa. E ta bisa cu e ta haya muchanan keto, cu problemanan social na cas, hasta

problemanan en general. Ora nan drenta den actuacion ta yuda pa nan habri nan mes asina sr. Pardo ta splica.

Sinembargo sr. Pardo ta bisa cu no solamente e ta siña crece como persona, pero e parti creativo tambe ta crece. “Un mucha adulto of hoben por yega na fundacion Aruba y nan ta consultacion y ta yuda cana e caminda. Nan no ta lesa. Na Aruba hende ta mas visual.”

Sr. Pardo ta bisa cu aki na Aruba no ta asina leu, pero e ta remarca cu lentamente tin paso ta tumando lugá. “Tin cu gatia pa despues cana pa asina establece paso tur cos tin cu cuminsa un caminda.”

Segun sr. Pardo ta bisa cu compara tempo na Merca un pelicula di antes cu nan visual effects compara cu awo ‘bo ta keda manera antes tabata masha mahos’, pero e ta bisa no ta djis cu e tempo ey nan a cuminsa un caminda asina keda cana pa yega unda nan ta

awo cu e calidad cu Merca ta duna den pelicanan.

E ta remarca ora hendenan cuminsa ya nan kier tur cos perfecto. E trabou ta bay perfeccionando pa tempo. “Si na Aruba por stimula esey, pa hende cuminsa haci film pa sigui drecha calidad. Ora no tin placa pero mester confronta e obstaculonnan. Con nos ta soluciona e problema aki? Ta pa bira creativo.”

Ta sacrificio pa cierto cosnan sr. Pardo ta bisa mester busca solucionan creativo pa por hacie posibel pa crea algo bon. Mayoria di biaha publico no ta ripara e trabou cu ta patras di henter un produccion.

Sr. Pardo ta bisa cu Curaçao tin nan cine local ‘e ta mas avansa’. E ta remarca cu Film festival no t’ey mas. Esey tabata pa yuda stimula pa asina e duna smaak na esunnan cu ta den mundo traha film por competi cu otro y muestra locual nan ta haci.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Cristian Soto Garcia(hefe di redaccion)
Nicola Gonzalez(redactor ehecutivo)
Esther Kiks-Martinus(redactor ehecutivo)

Redaccion

Benjamin Romero
Leo Maduro
Kenna Hernandez

Ehecutivo di Benta

Marijke Croes-Luidens
Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Yakari Gabriel
Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Con gobierno mester maneha...?

Entidadnan liga na gobernacion?

Desde cu nos tin un gobierno nobo, casi un aña caba, tempo ta bula, nos por a mira diferente caso di maneho menos exitoso di gobierno den caso di cierto entidadnan liga na gobernacion. Ta parce cu a pesar di e promesanan di cambio di manera di opera, no a cambia tanto den esaki. Nos tabatin e caso di fundacion Lotto pa Deporte, unda hues a muestra cu no por substitui sin mas un directiva pa otro cu tin bendicion di e ministro nobo. Di otro banda nos ta mira cu den e caso di otro entidad, manera e diferente empresanan estatal, nada aparentemente no a cambia den e estilo di goberna, cu nombramento di miembronan di directiva nobo, sin cu ta aparece algo di un cuadro di exigencia di cualidadnan pa e puestonan aki. Kico ta loke mester a cambia anto? Un ehemplo di nos bisiña pariba.

Cualquier dia, nos por lesa den un corant di e isla ey, tocante algo cu ta masha normal, cerca nan en todo caso. Ta trata di e renombramento di un miembro di e hunta di comisario di un compania estatal. E articulo ta conta di e evaluacion di e estudionan cu e persona a haci, mas otro aspecto di su curriculum vitae, a base di cual e asesor corporate governance, SBTNO (Stichting Bureau Toezicht en Normering Overheidsentiteiten), a yega na e conclusion cu en principio e ta cumpli cu e perfil pa ocupa e puesto como experto economico empresarial den e hunta concerni. Pero esey no ta tur. E autoridad aki cu mester revisa e solicitud pa revision, ta remarca cu ademas lo mester a haci evaluacion periodico di funcionamiento di e miembro di e hunta, manera e Codigo pa e tipo di entidad aki ta exige. E ta constata cu mester haci por lo menos dos evaluacion pa aña, pa cumpli cu loke e Codigo ta exige pa su funcionamiento, ademas cu e hunta mes den su totalidad mester evalua su mes y traha un informe tocante esaki. E ta constata cu e no tin e documentonan ey, asina ta, e no por haci un evaluacion completo...

Tambe e ta constata cu e hunta no tin un schedule bon pa salida di e miembronan, cu consecuencia cu dentro di poco seis di e shete miembronan lo retira, un perdida grandi y repentino di experiencia y conocimiento interno, contrario na principionan logico di continuidad di un organisacion. Esaki ta duna di pensa. Si na Curaçao, cu tur e reglanan aki pa bon gobernacion corporativo, ainda ta sucede varios cos cu no ta cuadra, ta con e situacion na Aruba lo ta, unda no tin absolutamente nada regla, y unda e bida

interno di e entidadnan ta pertenece na e secretonan miho warda den nos comunidad.

Di otro banda, mester bisa si cu tin e momentonan unda e sistema di control na Curaçao ta funciona. Algun aña pasa un ministro presidente tabata kier a nombra su esposa den directiva di un empresa estatal y a haya su mes asina mal sirbi, cu el a dicidi di hala atras.

E ehemplo di Curaçao ta duna nos di comprende cu un ley encuan to Good Corporate Governance lo no funciona perfectamente, pero ni esey nos tin y por lo pronto nos no lo haya esaki tampoco. Pakico no? Pasobra e Acuerdo di Gobernacion di e actual coalicion no ta ni sikiera menciona e topico aki, te pa nan inclui esaki den nan plannan. Y ya cu e plannan describi caba ta asina hopi cu ta dificil pa kere cu ta bay logra ehecuta tur cos cu a pone riba papel, nos ta pesimista encuan to esaki. Loke ta lastima pasobra ta parce nos cu tin hopi cos di haci riba e tereno aki tambe, pasobra e ta parti importante di mehora actuacion riba un di e terenonan cu mas ta duna preocupacion pa loke ta practica di patronahe politico. Ademas cu e experiencia den e ultimo 32 añanan no ta muestra den direccion di un mehoracion riba e tereno aki.

E punto ta cu e eventual influencia dañino di politica no ta e unico influencia negativo cu por tin den un entidad 'independisa'. Y gobierno, como esun cu a tuma e iniciativa pa independisa e entidad estatal pa garantisa miho maneho, ta e prome partido interesa pa vigila cu no tin otro influencia ni desaroyo indesea den e entidadnan aki. No ta asina cu gobierno mester sinta cu brasa crusa anto laga e entidadnan aki haci y deshaci. Gobierno ta esun, no e unico, cu tin e tarea di vigila y boga pa interes di comunidad den su totalidad, pero tambe di gruponan specifico. Y pa haci esaki bo mester un cuadro legal; un ley encuan to good corporate governance por trece esey.

Y kico ta pasa si bo no hacie? Si partidonan politico no kier un regimen di control pa nan mes den maneho di e entidadnan aki, no tin un cuadro legal di control drechi pa e entidadnan tampoco: e cuchiu ta corta di dos banda. Asina nos ta yega na e denuncianan haci contra fundacion Lotto pa Deporte, cu si nan resulta berdad, ta asunto sumamente serio. Pero unda e instrumentonan tapa duna cuenta?

America Latino: Cinco pais lo denuncia Venezuela na Corte Penal Internacional

(Infobae/AFP) - E canciyer Peruano Nestor Popolizo a confirma cu Peru, Argentina, Chile, Colombia y Paraguay lo tuma e paso di hiba Venezuela dilanti Corte Penal Internacional na Den Haag, Hulanda, pa violacion sistematico di derecho humano y crimen contra humanidad. Esaki ta prome biaha cu ta haci un denuncia di e indole aki contra un pais di e region.

E ministernan di relacion exterior di Peru, Argentina, Chile, Colombia y Paraguay lo firma siman venidero un carta den cual nan ta denun-



cia e presidente Venezolano Nicolas Maduro na fiscalia di Corte Penal. Nan lo firma e documento durante un intermedio di e Asamblea General di ONU unda nan lo ta pre-

sente. Popolizo a indica tambe cu e iniciativa no ta forma parti di e Grupo di Lima, cu Peru ta lidera, sino di un grupo di pais Suramericano miembro

di e Estatuto di Roma, e instrumento constitutivo di e Corte Penal Internacional na 1998. “Nunca antes a conoce esaki... ta e prome biaha,” Popolizo a bisa The Associated Press na Lima. Popolizo a indica cu lo presenta dos informe cu e denuncia: uno di un grupo di experto cu a presenta tur nan conclusionnan encunto e violacion sistematico di derecho humano na Venezuela na secretaria general di e Organizacion di Estadonan Americano y otro elabora pa e Alto Comisionado di Nacionnan Uni pa Derecho Humano. Ambos informe lo sirbi pa

sustenta e denuncia na fiscal di e corte, Fatou Bensouda, di Gambia.

Tambe e canciyer Peruano a bisa cu e bentaha di e presentacion di un denuncia di parti di e paisnan miembro di e Estatuto di Roma ta permiti un tramite mas rapido di e fiscalia.

Poco prome cu declaracion di Popolizo, e presidente Venezolano a afirma na Caracas cu e ta evaluando si e ta bay asisti na e Asamblea General di Nacionnan Uni na New York, pero a bisa tambe cu e mester cuida su siguridad, pasobra ‘nan tin mi na bista pa mata’.

Colombia: Den rolstoel di frontera pa Bogota

(LaPatilla) – E tirenan di su rolstoel ta cuminsa mostra e hilonan bou di e rubber, pero asina mes Jose Agustin Lopez ta spera cu nan ta wanta e 500km cu e falta pa yega capital Colombiano, Bogota, en busca di e asistencia medico cu e no por haya mas na su pais, Venezuela.

E migrante Venezolano Jef-

erson Alexis ta pusha e rolstoel di su tata a lo largo di e carretera entre Cucuta y Pamplona, na departamento di nort di Santander, unda nan tabata siman pasa. Subi sero, baha sero, friu y calor, nan tin fe pa nan yega e destino cu nan tin den mente.

“Mi a haya mi obliga di tuma rumbo pa Colombia pa haya

e medicamentonan cu mi mester”, Jose Agustin, di 52 aña, ta conta. 13 aña pasa el a perde sensibilidad den ambos pia den un accidente y a keda den rolstoel desde e tempo ey. E tabata mantene henter su famia, pero den e condicionnan actual no por haci nada mas y a mira e biahe duro y excepcional aki como unico opcion.



Ecuador: Accidente cu bus a laga 12 morto y 27 persona herida



(Infobae/EFE) – Un accidente nobo di trafico a sucede diamars pasa y a laga diesdos morto y bintishete persona herida na Ecuador, loke tabata e di shete suceso di e tipo aki den ultimo 37 dia na e pais Andino, cu un saldo total di 63 persona morto.

“Te na e momento aki ta reporta 27 persona herida y 12 morto”, gubernacion di pro-

vincia di El Oro, na costa Ecuatoriano, a señala den un comunicado.

Na principio, e fiscalia a señala cu a fayece 12 persona y 23 a keda herida na e accidente cu a sucede riba carretera entre e localidadnan Loja y Balsa. E oficina di fiscalia na El Oro ta investiga e causa di e accidente cu e bus di Cooperativa Nambija. E auto a perde control, a dal y bolter y despues a cay den un abismo di 110 meter di profundidad aproximadamente, segun e funcionario a bisa.

E suceso a ser registra den oranan di marduga di diamars pasa, pero e autoridadnan no a duna informacion di biaha, debi na ‘e situacion delicado’, un fuente di Servicio Integra di Siguridad ECU911 a indica.

Desde 12 di augustus pasa a ser registra shete accidente di bus na Ecuador, cu a laga un cifra di 63 morto y 179 persona herida.

Venezuela: Un miyon bari pa dia pa entrega na China



(Infobae/LaPatilla) - Presidente Nicolas Maduro a indica despues di su biahe pa China cu el a firma al menos 700 proyecto di cooperacion y cu su pais tin entre otro como meta pa produci un miyon di bari di crudo pa dia, pa paga e acuerdonan firma cu China.

“Nos a tene reunion di con-

crecion di acuerdo cu Banco di China, cu e empresa China National Petroleum Corporation (CNPC). Awe su presidente ehecutivo ta yega (Caracas) pa concretisa e plan di exporta 1 miyon bari pa China so”, el a señala. Di otro fuente a bira conoci cu e acuerdo ta encera tambe e adquisicion di 9,9% di e accionnan di e compania semi- estatal

Sinovensa, cu ta opera den e Faha di Orinoco. CNPC tin caba 40% di e accionnan den e empresa mixto aki.

E demas acuerdonan cu e dos paisnan a cera ta den materia tecnologico, di telecomunicacion, educacion, salud y siguridad.

“Nos a firma acuerdo pa e actualisacion tecnologico di Cantv y nos lo firma e contract pa e lansamento di e cuatro satelite di telecomunicacion, e satelite ‘Guaicai-puro’.

A pesar cu e produccion petrolero di su pais ta na e nivel mas abou di ultimo 50 aña, Maduro ta calcula cu na 2019 lo por duplica e exportacion di crudo. “Un mafia corrupto na cabes di Pdvsa a daña nos industria”, Maduro a señala, indicando miho perspectiva cu e ex- militar Manuel Quevedo dirigiendo e empresa mas importante di e pais.

Cayman Islands: Conflicto cu Reino Uni encuanto cooperacion hudicial

(CaribbeanNewsNow) – E pleito entre gobierno di Cayman Islands y Reino Uni a bira mas fuerte dialuna pasa, ora cu ‘Foreign and Commonwealth Office’ (FCO) a apoya e kehonan di National Crime Agency (NCA), mientras prome ministro di Cayman Islands, Alden McLaughlin, a continua desmintiendo cu ta su pais tabata e causa di e desacuerdo tocante loke gobierno Britanico ta mira como un cooperacion disminuyente den asunto hudicial, compara cu otro teritorionan den Caribe.

FCO a bisa cu e decision di gobierno di Cayman Islands pa cambia e punto di contacto pa NCA di e Financial Crimes Unit di polis pa e Financial Reporting Authority di Cayman Islands a mina e posibilidad di investigadonan

pa haya informacion inmediato pa casonan importante, pa motibo di e orario limita di operacion.

E conflicto ta refleha e problema fundamental, unda Cayman Islands no ta parece dispuesto pa sigui tur instruccion di gobierno di Reino Uni encuanto e exigencia di mantene registro publico y accesibel pa instancianan hudicial di e ‘ultimate beneficial owner’ di accion di companianan registra den cada teritorio. Gobierno di Cayman Islands ta aludi na consideracion di privacidad encuanto e personanan envolvi, mientras cu e otro teritorionan no a trece e mesun obhecion aki dilanti.

E conflicto actual, si no tin solucion, por laga Cayman Islands como unico teritorio cu no ta colabora cu Reino Uni den e maneho di combate di labamento di placa y



financiamiento di terrorismo, di intercambio di informacion tocante accionista di empresa estableci na cada teritorio.

Colombia: Presidente Duque no ta apoya solucion militar pa Venezuela

(NTN24) – A surgi un diferencia di discurso entre presidente di Colombia, Ivan Duque, y su embahador na Estadonan Uni, Francisco Santos, unda e ultimo aki a declara cu pa logra un salida di e crisis di Venezuela mester considera tur opcion, incluso un operacion militar.

Pero e mandatario principal Colombiano a descarta cu alkier apoyo na un interven-



cion militar na Venezuela, como buskeda di un salida pa e crisis na e pais bisña.

“Mi no tin un espirito belicoso, pero nos ta mantene semper e firmesa pa denuncia e violacionnan di e dictadura na Venezuela, abuso nan cu a genera un crisis grave humanitario y migratorio.

Mi a bisa cu mester busca tur e mecanismo nan diplomatico disponibel den comunidad internacional pa haya so-

lucion pa e crisis migratorio aki”, e presidente a declara.

E declaracion di e embahador di Colombia a bin na momento di mas declaracion na Merca, pa no exclui e opcion militar pa pone un fin na e regimen opresivo na Caracas, entre otro di e senador republicano di descendencia Latino, Marco Rubio.

Venezuela: Mas di 30% ta come regularmente un biaha pa dia so


pobla, cu un margen di eror di 3,3%. (LaPatilla/ElNuevoHerald) – Segun un encuesta di e compania Meganalisis, publica pa e medio di Florida El Nuevo Herald, ta indica cu e Venezolanonan ta mas y mas dispuesto pa considera opcion extremo, manera bandona nan pais of faborece un intervencion di exterior.

E encuesta di Meganalisis publica dialuna a haya cu 84,3 por ciento di e personanan encuesta ta faborece un ‘intervencion’ multinacional, si esaki lo trece gran cantidad di alimento y medicina na e pais. Y 20,5 por ciento, ekivalente na seis miyon persona, ta bisa

cu nan lo sali di nan pais si e mandatario Nicolas Maduro keda na poder y e situacion economico no cambia.

Segun e vice-presidente di Meganalisis, Ruben Chirino Leañez, e incapacidad di gobierno pa satisface e necesidadnan basico a habri porta pa opcion cu lo tabata ‘impensabel’ un par di aña atras.

E encuesta ta parece di contradeci otro estudionan cu ta muestra cu e Venezolanonan ta den mayoria contra un intervencion militar stranhero. Pero Chirino ta argumenta cu si considera cu e forsa multinacional por ta un forma di entrega ayudo humani-



tario rapido y eficiente, anto e ta bira aceptabel. Meganalisis a haci e encuesta entre 1.100 persona den 16 di e estadonan mas

Hamber ta e centro di mal-

estar na e pais. Ora a puntra pa nan habitonan di alimentacion, 30,5 por ciento a bisa cu regularmente nan ta come un biaha pa dia so y 28,5 por ciento a informa cu nan ta

come ‘nada of casi nada’ por lo menos un biaha pa siman. En total, 78,6porciento a reporta problema cu alimentacion.

Riba e pregunta kico nan ta haci si presidente Maduro ta keda na poder y e situacion economico no cambia, 34,7% a bisa cu nan ta keda na e pais tratando di enfrenta e crisis. Pero 20,5% a bisa cu nan lo bay otro pais. Den un pais di 30 miyon persona esey ta como seis miyon Venezolano cu ta considera bandona nan pais. Colombia, Peru, Ecuador y Chile tabata e cuatro destinacionnan mas mencionada.

Ainda no tin aceptacion pa persona cu limitacion mental



WILLEMSTAD – Ainda no tin aceptacion pa persona cu limitacion mental na Corsou. Nan posibilidad pa haya un trabou ta minimal. Despues di presenta e personanan aki, y tambe nan habilidad nan, cuater biaha na comunidad, Fundacion Kontakto ta

conclui cu ainda tin un caminda largo pa cana. E siman aki tabatin e di cinco ‘Day on the Job, Yes I Can !’, cu Fundacion Kontakto ta organisa un biaha pa aña.

Taizy Goeloe, terapeuta di trabou a splica cu riba e dia aki tur cliente ta

sali for di Fundacion Kontakto y bay traha na un empresa di 9or di mainta pa 12or, bou di supervision, segun un relato di retkaribense.

Sra. Goeloe a menciona tambe cu comunidad mester bira mas consciente y compronde e persona cu limitacion mental. Tambe mester tin e conocimiento con pa trata e persona cu limitacion mental, ora cu e ta na su trabou. E proyecto ‘Day on the Job’, di e forma grandi cu Fundacion Kontakto a organisa esaki durante di 5 aña, ta bay sigui riba un escala mas chikito. Sra. Goeloe: “Lider di e gruponan mes lo indica na unda nan tin deseo di bay pa siña nan cliente algo”.

Fundacion Kontakto ta activo riba e tereno di training, formacion y guia.

Den e cuadro aki, pasobra e fundacion tin contacto cu hopi empresa, den futuro gruponan chikito individualmente lo bai un ‘Day on the Job’, cerca e empresanan concerni.



Esfuersonan pa haci Bonaire mas accesibel pa rolstoel

BONAIRE – Cu adicon di un rampa pa pasaheronan aborda, Bonaire International Airport (BIA) a bira mas accesibel pa rolstoel. Esaki ta encera un estructura riba cual biaheronan riba rolstoel por subi y baha avion hopi mas facil.

Esaki ta e resultado di e conferencia ‘Accessible Tourism Bonaire’, cu a tuma luga na 2013, pa medio di e anterior

Workgroup Physical Accessibility Bonaire. Bou iniciativa di BIA y partner nan den e grupo, nan a busca pa un provision asina riba e isla, segun un relato di The Daily Herald.

E relato a sigui conta cu otro entidad envolvi tabata organisacion pa personanan cu movilidad reduci MiVaBo, fundacion pa cuida di bista y oido FKBO, instituto di cuida local Fundashon Mari-

adal, y e Directorado Cominidad y Cuido.

Aña pasa, cosnan a cuminsa cana mas lihe ora cu e gobierno di Public Entity, e National Representative y e oficina di seguro di salud Caribbean Netherlands ZVK a reuni pa considera e varios posibilidadnan. Den un esfuerso conhunto nan a logra cumpra e ekipo necesario pa asina realisa nan meta.



Doño di apartamento ta cera huerdo y su yiu chikito



FRENCH QUARTER– Un doño di un apartamento na e French Quarter na Sint Maarten a haya su mes den problema ora cu a uza pida palo pa pone dilanti e porta pa asina cera e huerdo femenino y su yiu chikito aden.

E huerdo, segun un reporte di St. Lucia Times, tabata drumi den e apartamento, localisa na e Coralita Road, ora cu e doño a cera nan den e apartamento. Reporte nan ta indica cu e doño tabata purba pa basta rato pa contact e huerdo, sin resultado.

Bisiñanan a yama gendarmes despues cu e huerdo a lanta for di soño y no por a sali di e apartamento, cual tin un porta so. E bentananan di e apartamento tin grill riba nan, pues no tabata un opcion pa sali via bentana.

Gendarmes a responde cu tur forza na e incidente y a kita e pidanan di palo for di dilanti di e porta, permitiendone asina pa mama y yiu por a sali. E señora a wordo hiba Gendarmerie pa entrega un reporte di e incidente.

Un grupo di observado a keda reuni na e sitio pa mira e suceso. Algun di nan a comenta cu e ofensa di e doño di apartamento ta hopi severo, mirando cu den caso di candela lo por a tin consecuencianan fatal, como cu e huerdo y su yiu chikito no tabatin manera pa sali for di e apartamento.

Schotte a hiba su caso pa corte di apelacion

WILLEMSTAD – E ex prome minister di Corsou Gerrit Schotte, a hiba su caso pa corte di apelacion.

Na final di augustus ultimo, corte di prome instancia a prueba cu Gerrit Schotte a obtene ilegalmente mas di 1.8 miyon florin Antiano. E fiscal ta kere cu pa e motibo aki cu e cantidad aki mester wordo kita for di su persona.

Den ausencia di e pago total, Schotte por wordo encarcela pa un periodo di

tres aña. Den e caso aki Schotte, actualmente ta miembro di parlamento, y un total di 1.844,190 a keda gevalues. Parti di e placa aki ta di ofensa di soborno por lo cual el a keda condena. E otro parti ta bin di e echo similar di cual el a keda condena.

Segun corte, ta existi suficiente indicacionnan cu un biaha mas e ta culpabel di soborno oficial y labamento di placa. E declaracion cu Schotte a duna, e corte ta considera esaki como 'no plausible'.



Pedido pa cuida medico ta surpasa e presupuesto di cuida

WILLEMSTAD – Na Corsou no tur hende cu mester di cuida medico por haya esaki tambe. Pa motibonan financiero tin cierto tratamento cu no por haci na hospital Sint Elisabeth (Sehos). Te aworaki ta trata di excepcion, pero e situacion por surgi cu lo pone un maximo na e tratonan medico di mas caro den e hospital.

E produccion di Sehos anualmente ta consisti di 1.6 miyon actividad medico. Como unico hospital cu un departamento di ayudo urgente Sehos ta dispone di un presupuesto anual di 124 miyon florin. E presupuesto di cuida aki di gobierno no ta suficiente.

E brasamentonan medico di mas caro ta operacionnan di hep, terapia di Cancer, trato di enfermedad di curason y ader y cuida di pashent cu aids.

E status financiero di e hospital hopi biaha caba a causa cu e stock di remedi pa cierto grupo di pashent no ta suficiente y cu mester pospone operacion, den algun caso pa un tempo indetermina.

'Tur aña tin un deficit structural di 15 miyon florin' – Anthon Casperson "Pa e hospital por funciona na un manera drechi mester di 139 miyon florin tur aña", Anthon Casperson, director di Asuntonan General di Hospital Sint Elisabeth, ta bisa.

"Pa e hospital nobo tambe ta conta cu e cuida y trato ey ta Costa mas o menos 140 miyon pa aña. Esey ke men cu structuralmente tin un deficit di 15 miyon florin."

Pero e pedido pa cuida medico ta aumenta, entre otro pa motibo di embeyecemento, y ta bira mas complica tambe. "Hende ta bira mas bieu, hopi biaha tin diferente malesa y e peticion di cuida asina ta bira mas complica", Casperson ta bisa.

"Ta bini acerca cu hospital mester duna mas asistencia urgente. Victimanan di violencia, accidente den trafico y otro accidente, na Prome Asistencia mas i mas hende herida y cu afectacion agudo ta drenta."

E peticion pa cuida medico ta mas grandi cu e presupuesto di cuida. Hospital mester nenga cierto trato especialista pa motibonan financiero. Tin e menasa cu lo bay pone un limite na trato cu ta mas comun manera operacion di hep tambe.

'Como principio nos no por nenga cuida' – Anthon Casperson "Mi ta haya cu como checutivo di hospital mi no por husga tocante esaki", Casperson ta bisa. "Hospital tin un rol di facilita, na principio nos no por nenga cuida. Awor ta presenta e dilema na e asegurado di cuida y na gobierno. Ta nan mester tuma e decisionnan."

Discusion social

Segun e mandatario comunidad tin e ultimo palabra. "Mester bini un discusion social amplio tocante e pregunta di ki tipo di cuida Corsou mester tin. E discusion aki bon mira mester a tuma luga masha dia, ta na interes di nos tur cu tin claridad y cu cuida den nos pais ta keda accesibel."



Invitacion

Reunion General di Participante

Dia: Diahuebs, 27 di september 2018

Ora: 7.00 p.m. - 8.30 p.m.

Lugar: Hilton Aruba Caribbean Hotel & Casino

E reunion aki ta solamente pa participante y pensionado di APFA. Durante e reunion aki bo lo ricibi informacion tocante e desaroyonan den bo fondo di pensioen y lo presenta e Relato Financiero Anual 2017.

E reunion aki lo ta interactivo. Pa por participa activamente please trece bo celular of tablet.

Registracion ta rekeri un ID valido y ta cuminsa for di 6:00 pm.



Seroe Blanco 4, Oranjestad Aruba | (297) 525 2732 | www.apfaruba.org

Bo pensioen ta bo futuro. Mantene bo mes bon informa!

Clasificado Economico

PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22

TA HUUR

Apartamento na
Paradera Villa Park
Inf. whatsapp 567 4161
Tel. 567 1043 -567 3798

SERVICIO PUBLICO

Gran Feria di Fruta y Verdura
na Rococo Plaza diahuebs,
diabierna y diasabra 3 or te cu
8 or anochi . Tur siman

TA BENDE

From 15 collectable Porcelain
Dolls only 7 left for sale at Santa
Martha 12
Tel. 733 2542 -564 4456

TA BENDE

Hyundai Getz 2007
bon condition, full maintenance
AC/ Standard
awg.6.500 (O.B.O.)
Tel. 745 0440

SERVICIO PUBLICO

ta drecha tur sorto di Imagen
Tel. 584 2489

TA BENDE

Auto suzuki SX4 Full Eq., Airco,
5 sp., pw.window, pw.brake,
pw.st, cd ply, 2009 keuring nobo
cu numplaat full aña y seguro
first owner. Prijs ganga Afl.6,400
Tel. 733 4448

Divi Phoenix New Bldg.

Timeshares
Luxury unit 660, 1-1/2 baths.
8/29, 29 wks left, \$3995
email rmwjmwa@aol.com
508 651 0016 also Casa DM
AMB, 1 BR, wk5 21 and 29
cheap BO

SERVICIO

Unified One Events
Photos , films, wedding
Tel. 749 2533

SERVICIO PUBLICO

Psychic Riley let me help solve
your problems in love marriage
finance career and family with
immediate results
Call 001 747271 9899
wyattearp14@sbcglobal.net

TA BENDE

un cas na Rasmijnstraat, San
Nicolas di 3 camber y 2 baño
Afls.350.000 yama
Tel. 593 6318

TA BENDE

dos apartamento na Seroe
Blanco, incluyendo mueblesnan
Afl.270.000
Tel. 593 6318

SERVICIO PUBLICO

Buscando auto pa huur y na bon
prijs? yama nos
Tel. 593 9953/ 593 8453

SERVIO PUBLICO

Smart Electric Aruba
Ta haci tur tipo di trabou di
coriente di cas, meter apart,
water heater, ac, etc)
Tel. 565 6638

SERVICIO PUBLICO

Paraíso de Rosa
Ta ofrece su servicio pa cuida
hende grandi. Nos ta hende spe-
cialisa cu pasenshi y servicial
Tel. 566 2687 /732 2590

TA HUUR

Apartamento grandi 35 m2 na
San Miguel 5 minuut for di hotel
area pa 1 of 2 persona so
Pa mas informacion yama
Tel.592 2688

SERVICIO PUBLICO

Master Nails
Pa e miho servicio y experiencia
den mantencion y atencion pa
bo huñanan. Yama pa un cita
Tel. 744 9214

SERVICIO PUBLICO

Figuera Yard Service
Nos ta chapi, corta y planta
mata, brinda tur servicio cu bo
cura mester. Tira sushi afo, tur
esaki na un super bon prijs
Tel. 738 1908

SERVICIO PUBLICO

Construction
remodelacion di cas, traha cas,
apartment, traha y drecha dak,
electricidad, verf pega mosaico,
traha cura, plomeria. Bon prijs
Tel. 593 3141

TA BENDE

Camaro 2015
Low miles prijs negotiable
Interesado yama
y manda bo oferta
Tel. 594 4731

GRATIS

Nos ta piki tur sorto di auto bieu,
gratis. Tambe airco, bateria,
stoof, wasmachin, frigidaire etc
Tel. 561 4297 / 561 5179

SERVICIO PUBLICO

Mi ta ofrece servicio di
electricista, electricidad en
general, problema cu corto
circuito y mantencion
Tel. 566 5026

SERVICIO PUBLICO

Handyman
si mester ayudo yama awo
Mantencion, carpinteria, welder
y verf
Tel. 630 9246

SERVICIO PUBLICO

Masaje relajante, sports ma-
sajes, aroma terapia, piedras
calientes, reflexologia, faciales
Sabana Basora # 157 P.Ch.
Tel. 561 8520

TA HUUR

na Seroe Blanco apt muebla di
2 camber y 2 baño, sala
comedor, cushina. Inclui cable,
wifi, gas
Tel: 746 8058

TA HUUR

Apartament di 2 camber, sala,
comedor y cushina full muebla
na Seroe Colorado (baby beach)
Tel. 569 8007

TA BENDE

Plastic septic tank
1000 gallon 3500
Si ta interesa por yama
Tel. 741 7262

TA BENDE

Un Terreno propiedad di
801 m2 na Salinja / Moko pa
Afl.144.180
Tel.593 6318

TA BENDE

SUV Mitsubishi Montero
den bon estado Afl.4.000
Pa mas informacion por yama
Tel. 597 7815

TA BENDE

Suzuki Alto 2001
automatic Fls.2500
johnnypaes@gmail.com
yama pa mas info
Tel.630 1307

SERVICIO PUBLICO

Barata Barata
Nos ta chapi, lanta sushi, spuit
veneno, corta mata, na bon prijs
Arubiano balente
Call 592 5766

TA BENDE

gordura di mushroom, bo cum-
pra 10 saco nos por delivery
Fls.7.50 pa un
Tel.594 2380

SERVICIO PUBLICO

Se ofrece servicio de reparacion
e instalacion de aires acondicio-
nados Split e industrial también
reparamos frigidaire, cuartos
frios y fabricantes de hielo
Tel. 600 0750

TA BENDE

Auto Suzuki SXK 2009 airco,
alarm. Pw wind. cd player 5 spd
cu keuring y number paga full
aña Prijs 6500
Tel.733 4448

SERVICIO PUBLICO

recojemos todo tipo de basura
(nevera, estufa, etc)
Tel. 564 1979

GARAGE SALE

18-19-20-21 sept.
na Santa Martha 8 am /5 pm
Tel : 733 2542

TA HUUR

Bachi pa tur ocasion
Tel. 749 2533

TA BENDE

Un set di cama cu su
nachtkastje towelet pa
awg.1500 O.B.O.
un set di cama cu lessenaar
kashi paña awg.1500 O.B.O.
un cama awg.750 O.B.O.
Headboard di cama awg.250
Tel. 569 4299

TA BENDE

Hyundai Sonata 2016
very low miles Almost New
Prijs Afl.44.000 ganga
Prijs negotiable
(finance posible)
Tel. 594 4731

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 aña

- ☐ Cobranza na Cas.
- ☐ Cobranza na Trabao.
- ☐ Paga via BANCO (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com
www.bondia.com

Gobierno a institui un comision special pa evalua proceduranan social



ORANJESTAD – Recientemente prome minister a institui un comision special pa haci evaluacion den nos proceduranan.

E premier a institui un comision special pa ehecuta e investigacion aki. Dos persona cu experiencia amplio den e area social tin como encargo pa haci un evaluacion di e proceduranan, pa trece na claridad unda e proceduranan den gobierno a faya causando cu e dos hobennan aki a bira victima di violencia domestico sin cu esunnan alrededor di nan a ripara na caminda. Pa e motibo aki prome minister Evelyn Wever-Croes a informa cu gobierno, aparte di pone atencion debido na e area social, a cuminsa cu un investigacion social, un ‘social assessment’.

Segun e comunicado, e mandatario a duna di conoce cu e

comision aki a cuminsa traha riba e ‘assessment’ aki y na fin di december lo mester entrega na gobierno nan rapport cu recomendacionnan di loke cu mester wordo ahusta den nos proceduranan pa por tin mas control y conscientisacion pa raporta e casonan aki na tempo of alerta di riesgonan di casonan di abuso domestico.

Esaki tabata despues cu siman pasa e caso di e dos angelitonan cu aña pasa na november a perde nan bida cruelmente a wordo trata den corte, a crea hopi rabia y indignacion den comunidad. Pa gobierno di Aruba awo ta importante con hunto nos lo percura pa algo asina no pasa nunca mas na Aruba. Despues di e sucedido tragico aki, gabinete Wever-Croes a tuma decisionnan y accion di inmediato. Gobierno a bin cu un Crisis Plan Social cu nos ta ehecutando y ya poco

poco resultadonan positivo di e plan aki ta birando visibel.

“Awo Aruba a wordo confronta cu e realidad cu ta trata di dos mucha kendenan tawata wordo abusa structuralmente pa hopi tempo. Esakinan ta cosnan cu nos mester percura den nos sistema pa no sosode nunca mas pa cua motibo e investigacion aki ta wordo haci”, e mandatario a bisa.

“Abuso di mucha ta causa hopi indignacion y rabia den nos tur. P’esey ta hopi importante pa nos tur sa kico nos como un comunidad mester haci pa algo asina no bolbe ripiti. Unabes cu e ‘assessment’ keda cla, lo publica e rapport aki y gobierno lo compromete su mes pa e recomendacionnan duna wordo ehecuta y a sigura cu tur nos proceduranan ta cana bon”, prome minister Evelyn Wever-Croes a expresa.

Job Opportunity

A client specialized in industrial, cooling and sewage water treatment and environmentally-friendly energy and irrigation solutions is looking for:

An Engineer (Mechanical, Electrical)

Experience with sewage water treatment equipment, processes, systems and methods;

Familiar with maintenance, repairs, programming and installation of instrumentation and electronic control devices of plants and equipment;
Experienced in the installation of electrical grids for these types of machinery;
Experienced in the installation of fluid piping networks and the pumps, valves and other apparatus to manage these systems;
Experience with treatment against corrosion of water and other fluids in cooling systems;
Familiar and experienced in preparing drawings and diagrams and procedural manuals for the operation and maintenance of custom made water treatment solutions;
Capable of economically sound and technically exact quotations for large and medium sized projects.

If you fit the profile, please send you curriculum vitae to:


Towerconsultingaruba@yahoo.com;
envirotecharuba@gmail.com



Colegio Santa Filomena un biaha mas a bira victima di antisocial

SAN NICOLAS - Den fin di siman nos a keda informa di un ladroncia den un di e klasnan na Colegio Santa Filomena. No ta prome biaha cu e scol ta bira victima, na mas cu un ocasion antisocial ta kibra dreña den un local so.

Tin te hasta informe cu un docente lo a keda menasa pa un persona, pero te dia di awe autoridad no a duna caso na esaki. E docente ta sinti'e cansa di e situacion unda pa e aña aki tres biaha caba nan a kibra dreña den su klas haci un desaster. Mientras maestronan ta drecha nan localidad via na propio saco y ta haya nan den casonan na unda antisocialnan ta comete vandalismo.



Trabounan di renobacion lo inicia pa transforma ex Greenhill Supermarket



ORANJESTAD – Recientemente a cuminsa cu trabounan di limpieza pa por atende cu e situacion penoso cu e edificio ta aden. Esaki a keda realiza pa funcionarionan di DOW, Serlimar, DIP y otro departamentonan di gobierno.

E ultimo simannan aki, ploegnan di Serlimar y DOW a percura pa haci e edificionan aki completamente limpi y pa pone nan den un condicion cu proximamente Gobierno di Aruba lo cuminsa remodelanan pa pone nan den uzo. Ta gradici e departamento di Brandweer cu a asisti tambe den e proceso. Esaki ta un otro edificio di gobierno cu ta para pa mas di 5 aña caba ta; ex Greenhill Supermarket na San Nicolas. Un edificio cumpra pa mas di 2 miyon florin pa gobierno casi 5 aña pasa y cu nunca mas a haya atencion pa remodela y renoba esaki.



Atraco arma na Well Done Snack truck

ORANJESTAD - Diaranson pa mas o menos 3:15 marduga polis a presenta na Well Done snack truck na rotonde Las Americas pa un atraco arma di candela lo a tuma luga.

Patruxa cu a presenta na e sitio y saca informe for di e victimanan. Ta trata di cuatro homber cara tapa. Un di nan tabata tin e arma di candela y un otro cuchiu. Tur cuatro tabata papia bon papiamento y nan a bay cu un suma di por

lo menos 8000 florin.

E cuatro individuonan aki mester a huy den un Daihatsu Terrios color blauw/berde direccion Dakota. Unidadnan a start cu un buskeda, atraco team a presenta na e sitio pa start investigacion hunto cu departamento tecnico. Personal di slachtofferhulp tambe a yega pa papia cu un di e victimanan.

Cualquier persona cu sa algo yama tip line di polis 11141



Polis a deteni cuatro ilegal

PARADERA - Diaranson den careda di 12or di marduga patruxa di Noord riba caminda di Paradera a duna señal na chauffeur di un Hyundai van A-46424 señal pa para, e chauffeur a logra para na Paradera Park.

Di biaha e polisnan a baha y topa cu cuatro homber stranhero, ningun por a demostra nan documento na e oficialnan cu nan tin permiso pa ta riba nos isla. No a keda nada otro di detene e cuatro homber. E van a keda confisca debi cu e ta registra na un persona local y ningun di e personanan deteni no tabata e doño.



Accidente cu impacto fuerte na crusada Palm Beach



PALM BEACH - Diaranson merdia polis a presenta na e crusada di Palm Beach na e luznan di trafico na unda cu un turista den auto di huur a yega subi dilanti un pickup isuzu y a causa un accidente.

E impacto fuerte a laga tanto e Hyundai Accent y e pickup Isuzu basta kibra. E turista tabata keha di dolor unda polis a solicita ambulance presenta pa atende cu e victima. Polis di trafico tabata presente pa haci nan investigacion y tuma dato.



Monsanto ta pidi hues pa cancela pago di \$289 miyon den caso di cancer

SAN FRANCISCO — Compania di negoshi agricul-
tor, Monsanto, a pidi un hues na San Francisco pa can-
cela un pago di \$289 miyon cu un hurado a otorga na
un ex- hardinero di scol, kende a bisa cu e producto
Roundup, pa mata yerba, a laga e muriendo di cancer.

Abogadonan di Monsanto a bisa den documentonan den
corte cu DeWayne Johnson no a logra demostra cu Roundup
of otro herbicida similar a causa su lymphoma on-Hodgkin.
Nan a bisa cu no tin evidencia cu checutivonan di Monsanto
tabatin mal intencion ora di haci marketing pa Roundup.

Un hurado luna pasa a determina cu Roundup a contribui
na e cancer di sr. Johnson, y a Monsanto lo mester a pone un
label di precaucion pa posibel daño na salud.

El a otorga sr. Johnson \$39 miyon den compensacion pa
daño, y \$250 miyon como castigo.

E demanda di sr. Johnson ta entre mas cu cien otro, acusando
Roundup di causa cancer.

Esun di dje tabata esun prome pa bay corte.



Cangreu Canades cu mal actitud ta menasa ecosistema

BIDDEFORD, Maine —
Canadesnan ta conoci pa
ta hende amabel, pero e
migrantenan grosero aki
ta fit miho na un rink di
hockey.

Cangreu berde di Nova Sco-
tia ta e mesun especie cu ya
caba ta habita awa na Maine,
pero ta mas rabia cu nan, men-
nasando pa acelera daño na
e ecosistema di e costa, co-
miendo paluli y destruyendo
yerba nativo, segun un inves-
tigado.

E cangreu berde domestico ta
aleha di e menasa, mientras e
migrantenan ta mas apto pa
sacudi nan tenaza y ataca.
“Locual nos ta mirando ta
un nivel loco di agresividad”,
Markus Frederich, un profes-
sor na universidad di New
England, a bisa.

Geneticamente, cada un ta
distinto. E cangreu nobo a
origina na nort di Europa,
ta mas duro y adapta na awa
frii, mas cu e cangreu docil
cu a origina na sur di Europa.
Cangreu berde, hasta esun-
nan docil, ta considera un



sota cu ta devora paluli. Tam-
be nan ta destrui yerba mari-
no cu ta un luga pa bestianan
hoben por sconde.

Pero e cangreu Canades ta
den un nivel avansa. Louis
Logan, un estudiante na uni-
versidad di New England,
mester a label e cangreunan
captura den awanan di Nova
Scotia. For di un distancia di
casi 2 meter, e cangreunan
tabata asumi un postura pa
bringa.

“Cada biaha cu mi bay gara

un, nan ta gara ami”, el a bisa.
Un di nan, en particular, a
bula for di awa pa por ataca.
One of them, in particular,
would jump out of the water
in its frenzy to attack.

In the lab, researchers un-
leashed both types of crabs on
a bed of eel grass in a saltwa-
ter pool, and the difference
was stark. The Canadian in-
vaders shredded the eel grass
like Edward Scissorhands in
their efforts to scarf down
marine organisms seeking
refuge, Frederich said.

Cientificonan ta spera cu
eventualmente e migrant-
enan lo sigui move direccion
sur. “Nos no por haci nada”,
sr. Logan a bisa. “Unico cu
nos por haci ta siña biba cu
esaki.”



Presidente di Rwanda ta adverti presonan laga den libertad: tene cuidou

KIGALI, Rwanda —
Presidente di Rwanda a
adverti un lider di oposi-
cion prominente y otro
presonan recién laga den
libertad, pa ta ‘humilde’
y ‘tene cuidou’, si no nan
lo haya nan mes cera di
nobo.

E palabranan dirigi na leg-
isladonan tabata su prome
comentario desde e suceso
den weekend, unda a laga
mas di 2,100 persona den
libertad, sin duna splicacion,
incluyendo Victoire Ingabire
Umuhoza.

Sr. Kagame, kende a nenga
acusacionnan di silencio
oposicion, a bisa cu no taba-
tin presion pa libera sra. In-
gabire. “Nos no ta responde
na presion, esaki ta nos me-
sun pensamiento.”

Sra. Ingabire, kende a keda
condena pa conspiracion pa
socava gobierno y pa nenga
genocidio di 1994, ta nenga
di a comete ningun crimen.
Poco despues di wordo laga
den libertad, el a urgi sr.
Kagame pa libera tur pri-
zonero politico, incluyendo
ex candidato presidencial
Diane Rwigara, kende tam-
be a nenga di a comete un
delito.

Sra. Ingabire, hefe di FDU-
Inkingi, e partido di oposi-
cion, a bisa cu e nunca no



a pidi pa clemencia, con-
tradiciendo un minister di
husticia siman pasa kende a
bisa cu sra. Ingabire lo a pidi
pa clemencia recientemente.
El a keda sentencia na 15 aña
di prizon.

Sr. Kagame a bisa e par-
lamentarionan nobo cu e
‘streanan politico’ a keda den
libertad pasobra e gobierno
di e pais oost- Africano kier
traha den harmonia cu otro.

“Si nos no duna clemencia,
cuanto hende ainda lo ta
cera? Nos lo tin miles ainda
den prizon”, e presidente a
bisa. “Pero pa lanta nos pais,
nos a tuma e decision di re-
habilita nos ciudadano nan y
duna nan un oportunidad pa
contribui.”

Sra. Ingabire a priminti di
sigui papia pa tur e person-
anan na Rwanda cu a haya
nan derecho abusa pa gobi-
erno.

ANA a ricibi artefacto historico di famia Ecury

ORANJESTAD - Dia 7 di september ultimo, Archivo Nacional Aruba (ANA) a ricibi un artefacto historico di famia Ecury. E artefacto historico aki ta un 'gong' di koper.

Un 'gong', na Spaño yama 'gongo' ta pisa den forma di un disco di brons of koper. Esaki ta wordo colga generalmente na algo y ta haci un zonido ora di dal e cu un pida palo. E 'gong' ta un pisa di origen oriental/Asiatico.

E 'gong' aki tabata colga antes na e cas di famia Ecury situa na Schelpstraat 42, cas di famia Dundun Ecury y Anna Paulina Ecury-Ernst, mayornan di 'Boy' Ecury.

E 'gong' di koper aki ta den forma di un cabes di cabay. E tabata wordo uza pa yama e famia hunto, p.e. ora cu cuminda ta cla.

Na e cas aki S.J.A. 'Boy' Ecury a nace y biba durante e añanan prome cu el a bay Hulanda pa su estudio. Ta door di su permanencia na Hulanda den tempo di Segunda Guerra Mundial, el a participa den e movimiento di resistencia durante e Segunda Guerra Mundial den añanan 40, di siglo pasa.

E 'gong' di koper aki a wordo entrega na ANA dor di Boy Ecury, kende ta yiu Nicky Ecury y ta subrino di S.J.A. 'Boy' Ecury.

Nicky Ecury tabata hunto cu su ruman S.J.A. 'Boy' Ecury na Hulanda pa su estudio y durante tempo di guerra Nicky tabata miembro di e 'Limburgse Stoottroep', cu tambe tabata un acto di resistencia contra e ocupacion di Hulanda.

Actualmente e cas den Schelpstraat ta wordo considera un monumento y ta wordo mancha pa gobierno di Aruba desde aña 1997. Desde aña 2007 e Museo Arkeologico di Aruba ta situa den e edificio.

E 'gong' lo wordo warda na ANA, caminda cu e lo wordo preserva y lo wordo haci accesibel pa esunnan cu ta haci investigacion tocante topiconan relata na e artefacto, y pa uzo pa publicacion y exposicion.





CARIBBEAN CINEMAS VIP

GRAND OPENING TODAY!





A PREMIUM EXPERIENCE

2 VIP Auditoriums • Comfortable reclining chairs • Reserved seating • Exclusive line in concession area

The only theater in Aruba with all stadium seating screens and guaranteed uninterrupted movie viewing



CARIBBEANCINEMAS.COM

586-0074





Minister Xiomara Ruiz-Maduro (MEP):

‘Aruba ta habri siman positivo cu produccion nobo di Jeon’

ORANJESTAD – Cu presencia di minister presidente Evelyn Wever-Croes, minister di turismo Dangui Oduber y minister di cultura Xiomara Ruiz-Maduro, ayera atardi na bahada di solo a tuma luga e lansamento di e cancion y video ‘Aruba’ produci pa Jeon y Ritmo Real na Parke Nacional Arikok.

Nos talento internacional Jeon despues di su exito Machika ta presenta otro bunita produccion

dedica na nos dushi isla Aruba cual ta un forma cu Jeon ta muestra su orguyo y ta gradici Aruba di a haci su soño bira realidad. Invitadonan e.o. familiar-, amistad- y prensa, tabata tin e honor di biba e momento grandi y emocional na momento cu e video a wordo estrena riba e pantaya grandi acompaña pa e cantica Aruba.

“Como Arubiano bo ta sinti bo hopi orguyoso ora bo scucha e letranan ‘Aruba dushi tera....

unda mi a lanta y crece’, un bunita cancion pa habri un siman positivo”, asina sra. Ruiz-Maduro a trece dilanti na e invitadonan presente.

Un palabra di felicitacion y gradicimento grandi ta bay na tur esunnan cu a haci e produccion di e cantica y video un realidad. Ban comparti e cantica y e video pa mundo henter ser mas conoci cu nos talento local Jeon y nos dushi isla Aruba.



IPA cu minor ‘Globalization, Diversity and Multilingualism’



hecho cu en realidad nos tur ta interconecta riba un nivel hopi profundo como ser humano. Tambe e echo cu den Caribe, Aruba en particular, nos ta bibando e asina yama ‘global citizenship’ ya prome cu e concepto globalizacion a bira popular.

Banda di esaki tabata tin presentacion y charla di docente di IPA riba tereno di globalizacion, diversidad, arte, baile y cultura. Esunnan cu a hiba palabra tabata, entre otro, Paula Kibbelaar, Ingrid Captain, Gregory Richardson, Dyantha Maduro y Lara Kuiperi.



mento y experiencia. E programa ta consisti di diferente actividad multidisciplinario unda e studiantenan ta participa na un serie di tayer, facilita pa varios docente di IPA y experto invita, riba diferente tereno manera globalizacion, creolisacion, diversidad, arte y cultura, multilingualismo den enseñansa, sistema y maneho di enseñansa, investigacion y ciudadania. Nan lo haci nan practica na diferente scol basico y scol secundario na Aruba. Banda di esaki, nan lo participa na diferente excursion rond di nos isla.

E mainta tabata hopi exitoso, unda directora general di IPA, Marilyn Richardson, a yama tur hende bonbini. Den su discurso, el a enfoca riba e concepto di Globalizacion y e



ORANJESTAD - Instituto Pedagógico Arubano (IPA) a ‘kick off’ su prome Minor Internacional yama ‘Globalization, Diversity and Multilingualism’ na Nicolas Store (community museum) na San Nicolas.

E minor aki, cu a keda presenta dia 12 di september ultimo, ta pa studiantenan internacional di Caribe, Latino America, Merca y Europa. E ta tuma lugha durante e periodo di september 2018 te januari 2019. E studiantenan di e aña aki a bin principalmente di Hulanda y Aruba, entre otro, e institutonan Hogeschool Rotterdam, Haagse Hogeschool y Universidad di Aruba.

E especializacion di e studiantenan aki ta docente pa scol primario, secundario y pedagogia. E programa aki ta concentra riba Globalizacion, Diversidad, Multilingualismo y Enseñansa. Tin un enfoque grandi tambe riba desaroyo sostenibel de linea den e asina yama cuater P’s di sostenibilidad cual ta ‘Planet, People, Profit y Participatory Governance’. E meta ta pa e studiantenan amplia nan horizonte, cera conoci cu e cultura y sistema di enseñansa di Aruba y haya conocimiento didactico pedagogico, investigacion y tambe intercambia cono-

Deloitte.

Aruba Aloë Balm N.V. (Aruba Aloë) is opgericht in 1890 en is het oudste aloë vera bedrijf ter wereld. Aruba Aloë maakt sinds de jaren 60 cosmeticaproducten met 100% pure en verse aloë vera gel van de eigen plantages. Iets waar de organisatie trots op is. Inmiddels heeft Aruba Aloë 16 verkooppunten op Aruba gerealiseerd en zijn de producten online te koop, waarbij de producten worden gedistribueerd vanuit twee internationale distributiecentra (gevestigd in Nederland en de Verenigde Staten). Momenteel worden de Aruba Aloë producten in meer dan 55 landen verkocht. Het team bestaat uit ca. 150 personeelsleden die allen de kernwaarden *commitment, passion and proud of Aruba* uitdragen. Aruba Aloë is de laatste jaren enorm gegroeid, zowel lokaal als internationaal. Er zijn ambitieuze doelstellingen geformuleerd om deze internationale groei de komende jaren te intensiveren. Ten behoeve van deze klant is Deloitte Dutch Caribbean op zoek naar kandidaten voor de functie van:

Finance Director

De functie

Als Finance Director van Aruba Aloë bent u verantwoordelijk voor het financieel management van de organisatie. U draagt zorg voor de financiële administratie van zowel de lokale als de internationale verkooppunten. U stelt geconsolideerde jaarrekeningen op, periodieke managementrapportages en u concipieert begrotingen. U bent tevens verantwoordelijk voor de planning en control cyclus. Uw aandacht ligt de komende periode op het verder professionaliseren van de financiële administratie en de bijbehorende processen, waarbij u de organisatie op dit gebied begeleidt naar internationale expansie. Ook adviseert en ondersteunt u de Managing Director bij besluitvorming over financiële vraagstukken en vraagstukken met betrekking tot AO/IC. Bovendien geeft u leiding aan een team van 3 medewerkers. U ressorteert onder de Managing Director en u rapporteert zowel aan de Managing Director als aan de Raad van Toezicht.

Uw profiel

U beschikt over een relevante afgeronde hbo-opleiding en u heeft ten minste 5 jaar relevante werkervaring. U heeft bij voorkeur ervaring met diverse accounting softwarepakketten en/of ERP-systemen. U beschikt over uitstekende analytische en probleemoplossende vaardigheden. Naast uw vermogen om abstract te denken, heeft u een pragmatische instelling. U bent daadkrachtig, resultaatgericht en een team player. Als leidinggevende bent u in staat om mensen te motiveren en te stimuleren. U beheerst de Nederlands en Engels taal uitstekend, in woord en geschrift. Beheersing van Papiamentu is een pré.

Het aanbod

Onze klant biedt marktconforme arbeidsvoorwaarden en een uitdagende functie in een dynamische en ambitieuze organisatie.

Procedure

Voor nadere informatie kunt u contact opnemen met mevr. Esther Baaij, Senior Manager Human Capital Consultancy, Learning & Assessments bij Deloitte Dutch Caribbean via tel: (+297) 5286200. U kunt uw sollicitatiebrief en CV vóór 15 oktober a.s. e-mailen naar ecroes@deloitte.aw. U ontvangt binnen twee werkdagen een ontvangstbevestiging. Een assessment en referentieonderzoek kunnen deel uitmaken van de selectieprocedure. Uw sollicitatie wordt vertrouwelijk behandeld.

Deloitte refers to one or more of Deloitte Touche Tohmatsu Limited, a UK private company limited by guarantee its network of member firms and their related entities. DTTL and each of its member firms are legally separate and independent entities. DTTL (also referred to as "Deloitte Global") does not provide services to clients. Please see ("DTTL"), www.deloitte.com/about for a more detailed description of the legal structure of DTTL and its member firms. ©2018. For info contact Deloitte Dutch Caribbean.



Grasshoppers ta derota Stars CMB

ORANJESTAD - Recientemente e gran campeonato di ABBA 2018 Liga Menor a sigui caminda cu nos por a mira ekipo di Stars CMB y ekipo di Grasshoppers categoria 11-12 enfrenta otro riba veld di Tanki Leedert

Aki ta caminda cu ekipo di Grasshoppers ta derota ekipo di Stars CMB cu score di 7-2. Pitcher perdedo keda den man di Nathan Arends y Pitcher ganado a keda man di Jayron Kelly. Miho batiado pa ekipo di Stars tabata Joshue Koolman cu a bay di 3-2 y miho batiado di Grasshoppers tabata Jayron Kelly cu a bay di 2-2.



Hugo Themen tabata referee Internacional na e Open American Series 3

ORANJESTAD – Recientemente Hugo Themen a traha como referee Internacional den e Open American Series 3 Weightlifting Championships. E Open American Series 3 a tuma luga den e estado de Las Vegas, Nevada for di 13 pa 16 september 2018.

Ta asina cu for di American Weightlifting Federation, Aruba Amateur Weightlifting Association a ricibi un invitacion pa Hugo Themen bin traha como referee Internacional den e Open American Series 3 Weightlifting Championships. Den e American Open Series 3 tabata tin un record di participacion di mas di 1650 atleta den categoria di Youth, Senior y Master por bisa cu esaki tabata e evento mas grandi di mundo pa e deporte di Weightlifting.

E campeonato aki tabata pa clasificatorio pa e World Weightlifting Championships Ashgabat 2018, Panamerican Games Lima 2019 y Olympic Games Tokio 2020.

E competencia mes a tuma luga den e Las Vegas Convention Center y atletanan a hospeda den e famoso hotel Westgate Las Vegas Resort & Casino.

Pabien na Sr. Hugo Themen cu a fungi como referee internacional den e Open American Series 3 na Las Vegas, Nevada, USA.



Coach di mas jong di Champions League a cuminsa cu un empate



KHARKIV, Ucrania — E coach di mas jong den historia di Champions League a debuta den un wega ayera cu Shakhtar Donetsk, empatando 2-2 den wega di Hoffenheim.

Julian Nagelsmann, di 31 aña, mes- ter a warda solamente seis minuut pa wak su ekipo hinca su prome gol di Champions League, mientras Ju- lian Grillitsch a pone Hoffenheim 1-0, pero Shakhtar a responde cu un esfuerso di Ismaily na minuut 37.

Defensor Havard Nordveidt a res- taura e bentaha di Hoffenheim cu un gol di cabes minuut 38, despues di

un tiro di skina. Sinembargo, un tiro largo di Maycon na minuut 81 a laga e ekiponan comparti e puntonan den Grupo F.

Sr. Nagelsmann, kende a cumpli 31 aña na juli ultimo, a tuma Hoffen- heim over na februari 2016, tempo cu e tabatin unicamente 28 aña di edad, y a cualifica e ekipo pa e Cham- pions League ultimo temporada pa prome biaha den historia, door di a logra di tres luga den e Bundesliga.

E ta un luna mas jong cu e Belaruso Viktor Goncharenko tabata tempo el a coach BATE Borisov contra Real Ma- drid den e Champions League na 2008.

Bird ta resalta lista Mericano femenino pa mundial

TENERIFE — Cu un di tres titulo WNBA fresco ainda, Sue Bird lo purba yuda Merca gana un di tres FIBA Women's Bas- ketball World Cup tras di otro.

Sra. Bird ta den e ekipo Mericano pa un record di cinco biaha, y lo por rici- bi un di cuater medaya di oro, algo sin presedente. E lo keda compaña riba e lista pa su compañeranan di Se- attle Storm, Breanna Steward y Jewell Loyd. E trio a yuda Storm gana e campeonato WNBA siman pasa, dero- tando e Washington Mystics.

Strea di Washington, Elena Delle Donne tambe ta riba lista di mundial. El a su- fri un golpi riba weso di su rudia banda robes durante playoffs, pero a recupera su- ficiente pa por participa den mundial pa prome biaha.

Merca ta hunga contra Sen- egal diasabra, China diado- mingo, y Latvia diamars den weganen di grupo.

Veteranonan di mundial, Di- ana Taurasi, Brittney Griner, Tina Charles y Nneka Og- wumike tambe ta riba e lista Mericano.

“E clave di nos lista ta versa-



tilidad”, coach Dawn Staley a bisa. “Hungadonan cu por

hunga diferente posicion. chikito. Ora bo tin e variedad Nos por hunga grandi of ey, e ta yuda den e torneo.”

Neymar ta apoya candidatura di Romario pa gobernador di Rio

RIO DE JANEIRO — Neymar a duna apoyo na e ex- hungado internacional di Brazil, Romario, den su candidatura pa goberna- dor di Rio de Janeiro.

Romario a publica un video di Neymar expresando su apoyo riba rednan social dia- mars ultimo. Neymar ta bisa den e video: ‘mi ta spera cu bo por haci Rio miho. Mi ta un bishitante frecuente, y mi

stima e ciudad aki’.

Romario, kende a gana mun- dial cu Brazil na 1994 y a keda hungado di aña di FIFA, ta den e di dos posicion den encuestanan, tras di ex-al- calde di Rio, Eduardo Paes. E eleccion pa gobernador di estado lo tuma luga otro luna.

Estado di Rio ta hinca den problema financiero desde e Olimpiada di 2016 na Rio de Janeiro.

E delantero di Brazil y Paris Saint-Germain, Neymar, nunca a biba den estado di Rio, pero ta doño di un man- sion dilanti di lama na Man- garatiba, sur di ciudad Rio de Janeiro.

Romario, di 52 aña di edad, actualmente ta un senador na congreso di Brazil. El a cum- insa su carera politico na 2010 como miembro di congreso, un aña despues di a finalisa su carera deportista.



BONDIA
ARUBA

**NO CONTRIBUI CU E CIFRA DI VICTIMA
DEN ACCIDENTE DI TRAFICO**

**Pone bon TINO
ora bo ta STUUR**



Mike Eman (AVP):

‘Na 2016 a logra a fiha tarifa di piki sushi na 10 florin’

OANJESTAD - Lider di partido AVP, Mike Eman, ta muestra cu for di momento cu den un reunion di parlamento e minister concerni a anuncia cu lo bay cobra e suma di 25 florin pa recogemento di sushi, y aki AVP tin dos motivo di preocupacion.

“Un di e motibonan ta cu AVP ta kere cu no ta husto pa e hecho cu gobierno di AVP dia 15 di november di 2016, den conseho di minister a fiha e posicion di gobierno e tempo ey riba diferente tema.”

Entre otro aumento di pensioen di nos grandi nan cu 2.3%, aumento di salario minimo cu 2%, reduccion di coriente residencial cu 15%, reduccion di tarifa di coriente comercial cu 5%, aumento di bijstand entrante 2017, tanto e normatieve uitkering cu ta subi di 407 florin pa 450 florin, familielid bijslag lo subi di 175 florin pa 200 florin, schoolkindertoeslag cu no tabata existi y cu gobierno di AVP a introduci prome na 100 florin despues a aumenta esaki na 200 florin y na januari 2017, nos a aumenta esaki na 250 florin y e margschoolgeld uitkering cu nos tambe a introduci cu tabata 120 florin inicialmente y nos a aumenta esaki na 220 florin.

Ora cu nos a mira tambe e peso riba nos conciudadanonan y e intencion di Serlimar pa bay cuminsa cobra y nos a haya un peticion e tempo ey di entre otro FTA pa mira si por yega na un tarifa social, nos a tuma e decision y mi ta muestra esaki textualmente kico tabata e decision cu a wordo tuma 15 di november 2016:

“Reduccion di tarifa di piki sushi di 25 florin pa un tarifa social di 10 florin, pa esunnan cu tin un entrada bou di 2500 florin pa luna.”

Esey tabata kiermen cu tur hende cu entrada bou di 2500 florin, nos pensionadonan, nos bijstandtrekkers, hasta minimumlooners y minimumlooners te cu 2500 florin, nos a dicidi cu nan ta bay paga unicamente 10 florin.

Ora cu nos a tende cu ta e intencion pa hasa exonera por ehempel minimumlooners, bijstandtrekkers di e10 florin aki, nos a kere cu e minister cu ta encarga awor cu infraestructura, a tuma over nos pensamiento di un trato social y hasta bay ainda mas leu dor di bisa cu na lo no paga nada.

Despues di e reunion cu parlamento nos a bin tende cu minister a dicidi hunto cu parlamento, cu mayoria sosteni pa MEP POR y RED, cu nan ta bay aumenta e 10 florin aki na 25 florin cu sigur sigur ta un peso hopi pisa pa henter nos comunidad, cu ya caba ta carga cu e pesonan di aumentonan di BBO cu awor ya caba ta traduciendo su mes den un inflacion cu lo yega 10% e aña aki.

Pa bo por yega na aumenta un prijs asina di 10 florin pa 25 florin, bo ta papiando di un aumento di mas di 100% cu nan ta introduci riba esunnan mas vulnerabel den nos comunidad.

E di dos aspecto cu mi ta haya tambe sumamente lamentabel den e forma con esaki a bay, ta cu no ta yega na un acuerdo cu partnernan social



cu e ta bay ta 10 florin, anto riba bo mes bo ta cambia e posicion cu bo a acorda cu partnernan social.

Tempo cu nos tabata den gobierno durante dos termino, nos tabatin dialogo social caminda nos tabata sinta cu tur gremio, yega na acuerdo riba temanan sumamente grandi pa nos pais, temanan di reparatietoeslag, temanan di reforma di pensioen, di reforma di AZV, reduccion di prijs di awa y coriente, temanan esencial pa e estabilidad social economico di nos hendenan, introduccion di un pensioen general, y nos tabata ehecuta esakinan ‘al pie de la letra’ manera cu e di dos pub-

licacion aki ta muestra tambe, caminda tur locual ta wordo acorda den e acuerdonan social, esaki tabata e uitwerking di nan den ley.

Den nos tempo hamas y nunca, por tabata posibel cu bo ta acorda cu gremionan social, cu ta fiha un prijs, ta fiha un porcentahe, bo ta fiha un regla, y bo ta bay haci net lo contrario di cual bo a palabra.

Si mira cu nos ta tratando aki di un gobierno cu tur e palabracionnan cu el a haci cu nos comunidad durante di eleccion, cu ta bay goberna sin medida, cu ta bay baha prijs di awa, ta bay baha prijs

di coriente, ta bay baha edad di pensioen, y e gobierno ta haciendo net lo contrario di su promesanan y awe e gobierno a cuminsa haci net lo contrario di su compromisonan cu el a crea reciente cu gremionan social.

Esaki ta muestra cu e gobierno aki no tin ningun respet pa nos comunidad, no tin niun sentimiento pa esunnan cu ya ta afectando nan poder di compra severamente y no tin ningun respet tampoco pa e gremionan social cu cual nan ta haci acuerdonan y despues di un luna ya caba nan ta kibra e acuerdonan aki,” lider di partido AVP a trece dilanti.

Partido MEP:

‘AVP kier hisa prijs di awa y coriente’

ORANJESTAD - Den ultimo dianan, nos a tuma nota cu Partido AVP no ta mucho contento cu e maneho di Gobierno di Aruba di no hisa prijs di awa y coriente. Ex-minister Mike de Meza ta cana desespera tur dia instruyendo su siguidonan pa exige gobierno di Aruba pa hisa prijs di awa y coriente. Nunca antes den oposicion tabatin tanto deseo asina di opositornan pa un gobierno hisa awa y coriente pa e pueblo. E pregunta na Mike de Meza ta: ‘Kico pueblo a haci bo cu bo ta insisti pa gobierno hisa prijs di awa y coriente?’

Pero, nos por corda si cu esaki semper tabata e de-

seo y maneho di partido AVP sea nan ta den oposicion of nan ta gobernando. Pueblo no mester lubida e fecha di prome di october 2014, na unda cu e gobierno di AVP a hisa prijs di awa y coriente cu 15% den un solo biaha. E dolor cu esaki a causa pueblo a termina den un manifestacion contra gobierno di AVP. Sinembargo, e gobierno di AVP no a para pa e dolor di pueblo y a manda cacho y riot comando riba e manifestantenan. Te hasta a golpia hende muhe y hobennan.

Y toch, e gobierno di AVP no a hala atras, y a sigui cu su plan pa hisa prijs di awa y coriente. Mientras cu Mike Eman a fiesta cu placa di divi-

dend di nos compania estatal pa organisa Green Conferences y tambe a biaha tur parti di mundo pa Green conferences cu e vision pa haci Aruba Green. E unico ‘green’ di partido AVP ta nan color politico berde y nan maneho inmadura lagando atras un situacion financiero enormemente malo.

Prome minister Evelyn Wever-Croes den mas di un ocasion a bisa cu lo no hisa e prijs di awa y coriente y a instrui e companianan di utilidad pa baha gastonan den nan departamentonan despues acudi na gobierno. Gobierno di Aruba ta goberna drechi y no ta pone atencion na ningun exigencia maligno di partido AVP y sr. De Meza.

Partido MEP:

‘Proyecto fast ferry lo fortalece lasonan entre islanan ABC’



ORANJESTAD - Partido MEP semper ta apoya firmemente e desaroyo pa San Nicolas. Awo cu MEP ta den gobernacion di coalicion, a presenta su vision innovativo pa San Nicolas na unda lo trece crecimiento economico pa progreso y bienestar di e pueblo di San Nicolas y Aruba en general. Un proyecto grandi pa San Nicolas ta e Proyecto Fast Ferry cu e meta pa fortalece e lasonan comercial, economico y social entre Aruba y Corsou.

Partido MEP ta haya lamentabel e hecho cu un biaha mas, Partido AVP y señor Carl Giel muy en special tur dia ta lanta cu e meta riba nan agenda pa ataca e proyec-

to Fast Ferry, un proyecto bunita cu ta destina pa trece union den varios aspecto pa nos pueblo. Pa 8 año, gobierno di AVP a pone yen di klinkers riba camindanan di San Nicolas y awo gabinete Wever-Croes ta trece proyectonan cu di berdad ta trece progreso pa e pueblo di San Nicolas.

Sr. Giel no ta desea di mira progreso pa San Nicolas. Awo te hasta sr. Giel a investiga su mes loke e Fast Ferry por significa pa Aruba, solamente cu e no por a haya un motibo valido pa su ponencia. Parce cu sr. Giel a uni su mes na ex-minister Benny Sevinger y a investiga via di Google y a busca e atribucionan di speedboat y no di un Fast Ferry.



Mientras cu e minister encarga cu e proyecto Fast Ferry, Chris Romero, a busca profesionalnan riba e tereno di Fast Ferry, a reuni cu mandatarionan di Corsou y Boneiro kendenan tambe a busca profesionalnan pa investiga e beneficiacion di un Fast Ferry entre e islanan ABC.

Fast Ferry ta un proyecto cu gabinete Wever-Croes y, particularmente sr. Romero, semper a apoya firmemente for di nan trabou den parlamento. Awo den su calidad di mandatario encarga cu e cartera di Transporte, sr. Romero ta comprometi pa e proyecto Fast Ferry bira un realidad pa trece progreso y bienestar



economico pa San Nicolas y Aruba completo.

Parlamentario Mervin Wyatt-Ras (AVP):

‘Minister Evelyn Wever-Croes ta poeslief rond di castigo mas abou pa asesinato di muchanan’

ORANJESTAD - Durante conferencia di partido AVP, parlamentario Mervin Wyatt-Ras a trece padilanti cu minister president Evelyn Wever-Croes a keda poeslief ora el a elabora encuanto di e sentencia di hues rond di e caso pa maltrato y asesinato di e dos muchanan menor di edad.

Sra. Wyatt-Ras ta haya alabes cu minister Glenbert Croes a keda muisstil.

Esaki no ta e prome biaha paso ora cu dos abusado di mucha a ser laga den libertad door di minister Bikker, prome cu nan a cumpli cu nan sentencia total, tambe e

ministernan aki tabatin reaccion semehante. En bes cu bin cu algo concreto e minister president a reacciona haciendo un apelacion na e moral di nos pueblo pa raporta ora nan mira un acto cu no ta permisibel. Esaki ta contrario na ora e tabata parlamentario cu e tabata papia cu mester tin castigonan mas haltu y e tabata marcha pa muestra descontento. Hasta el a bisa cu e por agrega djis un par di regel na e ley existente pa cambi’e pa hisa castigo pa proteha muchanan ora di abuso.

Awor cu e ta den e posicion cu e por haci algo mas lihe, en bes di actua e ta pidi pueblo pa raporta na instancianan.

Mientrastanto e minister di Asuntonan Social ta keto keto sin a duna niun reaccion ni a bin cu nada concreto. A ser treci dilanti durante tratamiento di e caso cu e mama tin un ‘battered woman syndrome’. Esta e tin e syndroom di hende muhe maltrata. Den e caso aki pa preveni recidive of repeticion ta na su luga guia. Na otro pais ta ofrece yudansa como alternativa na castigo. Door cu minister a uza e caso aki pa anuncia cu tin crisis social lo tabata di spera cu e lo bay ofrece yudansa pa e mama y famia pa prevencion den futuro. Sinembargo minister a keda muisstil. Lamentablemente te ainda e plan di crisis cu minister a anuncia y



haci fanfaria cu esaki no ta ser ehecuta. Sra. Wyatt-Ras a spera algo mas concreto for di e minister.

E parlamentario ta spera cu

ambos minister recapita y haci algo paso hopi nan a papia y nada no a ser haci. Tanto a priminti ora ta den oposicion awor no foe ni fa.

Parlamentario Rocco Tjon:

‘Asistencia pa investiga casonan di corrupcion lo wordo otorga’

ORANJESTAD - Siman pasa miembronan di Parlamento di e comision di asuntonan hudicial, a reuni cu minister di Husticia Andin Bikker (POR). Topico di e reunion tawata e desaroyo di e protocol di RST.

Protocol di RST

Manera ta conoci algun luna pasa tur fraccion den parlamento a bay di acuerdo cu minister di Husticia su ponencia pa no firma ningun

protocol durante JVO. Motibonan pa cu esaki tawata cu no tawata tin claridad riba diferente aspecto cu ta regarda autonomia hudicial di pais Aruba. Specificamente topiconan manera comparticion di informacion, tareanan specifico di RST, e rol di Ministerio Publico Arubano y Cuerpo Policial.

Desaroyo positivo

E delegacion cu a compaña minister mr. A. Bikker tawata consisti tambe di funcionari-

onan Hulandes. Nan a sigura cu a yega na otro riba e puntonan di preocupacion y cu e protocol nobo lo respeta procesonan y reglanan local existente. Pronto lo presenta e protocol nobo na Parlamento dentro di e comision pa ‘toets’ e sentimentonan di parlamento.

Asistencia hudicial contra corrupcion

E delegacion a duna di conoce tambe cu e asistencia cu pais Aruba a puntra pa por

investiga diferente casonan penal di corrupcion lo wordo otorga. A compronde cu e proceso ya caba ta wordo encamina pa e asistencia necesario yega Aruba.

Pa conclui

Sr. Tjon, cu ta presidi e comision hudicial a termina bisando cu e desaroyo pa cu e protocol y e asistencia ta positivo. E siman aki lo reuni cu Minister di Husticia riba e maneho di admision (toelatingsbeleid).



Fraccion MEP:

‘Speed Andrade no ta bon bini mas na cede di MEP’

ORANJESTAD - Libertad di expresion y di haci cualkier trabou semper ta algo cu partido MEP ta respeta di cada persona, esaki ta conta tambe pa periodistanan cu tur dia ta haci nan trabou pa informa pueblo treciendo noticianan al caso y berdadero. Libertad di expresion sin embargo, no ta duna e derecho di libertinahe pa expresa opinionnan unda ta trapa dignidad di e ser humano.

Partido MEP recientemente a informa señor Speed Andrade di 24ora.com cu e no ta bon bini mas na Cede di MEP. Motibo di e decision aki no ta pa stroba señor Andrade di haci su trabou di periodismo sino pa motibo cu señor Andrade cu e afan



pa causa sensacionalismo ta trapa riba dignidad di personanan vulnerabel den nos comunidad.

E incidente di diaranson 5 di september ultimo na unda cu despues di Conferencia di Prensa di Fraccion di MEP na Cede di MEP na Santa Cruz, a yega un persona di edad y obviamente malo y hopi bruha. E tabata hisa y baha su carson. Tawata obvio cu e persona masculino aki no tabata sa kico e tabata haci. Speed Andrade a haya ta bon pa filma y saca su potret di e persona aki a pesar cu esun nan encarga cu Cede a suplica Speed pa no publica nada.

Pero Speed cu un actitud arrogante a demostra indiferencia y sin importa dignidad di e persona, toch a filma y saca

potret di e persona pa despues e subi e video na su pagina di noticia 24ora.com, cua pagina ta conoci caba pa causa sensacionalismo den pueblo.

Partido MEP no por permiti e cosnan aki pasa na su Cede. Cede di MEP mester ta un luga cu tur hende ta sinti seguridad pa busca ayudo. Tanten cu Speed ta bishita Cede, MEP no por garantisa un trato digno na tur bishitante y p'esey mester a tuma e medida aki.

No ta prome biaha cu Speed Andrade ta falta respet na dignidad di e ser humano djis pa causa sensacion. Partido MEP no ta acepta esaki y no lo permiti esaki pasa mas den su Cede. Pabien na partido MEP pa tuma e paso importante aki. E ser humano ta central!

Parlamentario Robert Candelaria (AVP):

‘Partido AVP lo tin mas dia pa yuda yena inkomstenbelasting’

ORANJESTAD - Partido AVP a organisa evento di yenamento di documento di inkomstenbelasting y hopi hende a pasa na Cas di Partido. Door di e demanda di comunidad pa yenamento di documento di inkomstenbelasting, Partido AVP un biaha mas lo ta brindando nan servicio.

Partido AVP ta haci un invitacion na comunidad pa yega cerca nan cu e documento di inkomstenbelasting. Un biaha mas lo tin 4 sesion, unda lo tin diferente team cu lo duna asistencia na esunnan

cu mester di dje.

E prome sesion lo ta diaranson 26 di september pa 6:00-9:00pm, e di dos sesion lo ta diabierna 28 di september y lo ta parti den 2 sesion, cual prome ta di 9:00am-12:00pm y 3:00-6:00pm. E ultimo sesion lo ta 3 di october pa 6:00-9:00pm. Pa facilita e proceso pa hendenan no warda hopi, por yama Cas di Partido AVP na 583-0911 y traha un afspraak riba e dia di sesion preferi.

Parlamentario Candelaria ta enfatisa y ta recorda tur hende pa trece tur documento nec-



esario – papel di SVb, papelnan di banco, rental- pa asina nan por yena e documento di

inkomstenbelasting den un solo biaha y ta cla pa entrega. Partido AVP tin un team

grandi cla pa sirbi comunidad di Aruba, pero pa cada sesion lo bay tin 6 mesa cu lo ta trahando continuamente.

E aña aki e yenamento di documento di inkomstenbelasting ta completamente digital y esey lo haci e procedura un tiki mas lihe. Entrante awe por yama Cas di Partido na 583-0911 pa un cita riba e fechanan di 26 y 28 di september y 3 di october y gustosamente nan ta cla pa yuda comunidad di Aruba. Tambe pa mas informacion por bay riba Facebook page di Robert Candelaria y/of Facebook page di AVP.

Invitacion nobena di San Francisco di Asis



ORANJESATSD - Nos patrono San Francisco ta un inspiracion pa nos tempo moderno. E nomber berdadero di Francisco tawata Giovanni. Francisco ta e nomber di cariño cu el a haya, pasobra e tawata biaha hopi cu su tata pa Francia. E hoben rico aki tawata pasa

**su bida gosando y feste-
hando cu su amigonan di
su mesun clase social.**

Pero Dios tabatin algo grandi warda pele. Francisco a kere cu e mester a lucha y gana bataya, pero Señor Dios a destin'e pa e restaura su Iglesia. Francisco no a comprende su mision berdadero, el a kere cu ta un misa e mester a traha. Francisco a laga tur cos di mundo para un banda y a entrega su mes completamente na servicio di Dios y su prohimo. E tawata cana rond proclamando bon noticia. E tawata duna speranza atrobe na esunnan den scuridad di pobresa y enfermedad.

El a soporta hopi. Hasta su mayornan no a comprend'e, su amigonan tawata haci

burla di dje y nan a bisa cu el a bira loco. Pero su locura tawata pa sirbi Dios y su prohimo cu alma y curpa. El a biba den plenitud e Evangelio di Cristo. Señor a yam'e den un manera particular y el a responde generosamente y a cumpli cu mandato di Señor. El a bira pover hunto cu e pobernan, pero rico den Spirito. Su bida a inspira hopi hoben di su tempo. Nan tambe a laga tur cos atras y hunto cu Francisco nan a dedica nan bida na Dios Cristo y su Iglesia.

Pastoor Stanislaw ta invita rumannan pa acudi na nobena di San Francisco di Asis, esaki ta cuminsa diamars 25 di september, na Pro-Catedral San Francisco pa 6:00pm Laga San Francisco ta bo Consuelo awor y semper.

Comision recauda fondo pa airco Misa Inmaculada Concepcion ta yama danki



ORANJSTAD - Pa medio di esaki, pastoor Jairo Maduro y Sixto Vrolijk, President di Comision pa recauda fondo pa financiamiento e proyecto di airco den Misa "Inmaculada Concepcion" na Santa Cruz kier yama danki na tur esunnan cu a contribui na e exito di e Bingo di diasabra ultimo.

Palabranan di gradicimento ta bay na tur instancia, organizacion, compania y tur cu a cumpra buki/ticket di Bingo. Ta gradici tambe tur

compania, restaurant, hotel y personanan individual cu a colabora cu donacion di material, cuminda, snacks, bebida y premio pa Bingo y pa rifa entre tur participante. Comision ta gradici directiva di Club Caiquetio pa tur cooperacion y sugerencianan ricibi.

Nan ta aprecia tambe e cooperacion di medionan di comunicacion cu a yuda promove e actividad ki ora cu a acerca nan. Pa ultimo danki di curason na representante di gruponan parokial y pastoral y tur boluntario cu a carga


e proyecto aki di principio te fin; esunnan cu a zorg pa bende mas tanto ticket cu por, busca premio y donacion; cu a traha cu alma y curpa pa tur cos bay na ordo riba dia y anochi di e Bingo.

A constata cu e parokianonan y pueblo di Aruba a contesta na e yamada y a uni pa logra e instalacion di airco den Misa. E proyecto ta den su ultimo fase y pastoor Jairo Maduro lo anuncia e fecha cu e airco lo ta cla pa bay den servicio. Keda pendiente. Paz di Señor sea semper cu boso.



"To die but not be forgotten: that's true long life!"
Lau Zu

Diasabra 15 september 2018
A bai sosega den brazo di Señor despues di un
lucha intenso
Nos ruman



Esther Elverita Bermudez

19.04.1946 - 15.09.2018

Na nomber di:
Marvel C. Bermudez
Angel R. Bermudez
Richardina P. Bermudez
Y demas famia

Cremashon a tuma lugar den seno familiar.
Pa condolencia: Condolencia.esther@gmail.com



"O Lord, rebuke me not in thine anger, neither
chasten me in thy hot displeasure.
Have mercy upon me, O Lord; for I am weak: O
Lord, heal me; for my bones are vexed. My soul is
also sore vexed: but thou, O Lord, how long?
Return, O Lord, deliver my soul: oh save me for thy
mercies' sake"

It is with sorrow and pain that we
announce the passing of



Hugh Anderson Gumbs

Better know as 'Big Daddy'
*29-08-1930 - †19-09-2018

Date and place of funeral will be announced later.



Salmo 23:
*Señor ta mi Wardador
 Mi n' tin falta di nada;
 Den kunuku di yerba berde
 E ta pone mi sosega.
 E ta hiba mi na awa trankil,
 Pa mi por haña forsa.*

Cu inmenso tristesa na nos curason pero conforme cu Dios su Boluntad nos ta participa fayecimento di:



Sr. Adolf 'Dolf' Mariano Hoevertsz
 na edad di 79 año
 "Ridder in de Orde van Oranje-Nassau"

Na number di:

su esposa: † Marie-Josée Hoevertsz- Smarius
 Su yuinan: Nicole Hoevertsz
 Orlando y Esther Hoevertsz-Croes
 Su nieto y nieta: Joshua Hoevertsz
 Kyra Hoevertsz
 Su rumannan: Annie Hoevertsz y famia
 † Janny y Vilma Hoevertsz-Morales y famia na California
 † Eddie y Erna Hoevertsz-Croes y famia
 Sara y † Buchi Kock-Hoevertsz y famia.
 Mai y Rosa Hoevertsz-Luydens y famia na Hulanda.
 Fedi y Nini Hoevertsz-Croes y yui
 † Nel y Lena Hoevertsz-Rafine y famia.
 Frank y Yamila Hoevertsz-Kock y famia.
 Mary y Leo Werleman-Hoevertsz y famia.
 Su swa: Cor Smarius y famia.
 Su omo: Johan Boekhoudt y famia.
 Su ayudante: Teresita "Tita" de Gracia
 Assistent: Eduardo Meranda
 Amigonan y amiganan di cas: Eddy y Freda Croes,
 Rosalie y Francisco Celaire, Rene Herde, Tiny Pronk,
 Club di Koffie: Eduardo de Veer, Jerry de Veer,
 Michael Kuiperi, Olindo Koolman, Ruben Mansur,
 Armando Muyale y Eddy Croes
 Su sobrinonan y sobrinanan, primonan y primanan,
 su ihanan, bisnifanan y conocirnan y demas famia:
 Hoevertsz, Smarius, Croes, Tromp, Morales, Kock,
 Luydens, Rafine, Werleman, Flanegin, Boekhoudt,
 Lamper, de Ron, Hagens, Brazao, Slentz,
 Zainullina, Albertus, Arellano, Baarh, Raphael,
 Velasquez, Basselüer, Molenbuur, Arends, Robles.

Nos ta pidi nos disculpa si nos por a lubida un of otro persona den nos tristesa.

Ta invita tur amigo y conocinan pa asisti na acto di despedida cu lo tuma lugar diasabra 22 di september 2018. E restonan mortal lo ta reposa for di 9or te cu 11or di mainta den misa Santa Filomena na Paradera.

Enbes di manda flor of krans, nos lo aprecia un donacion cu lo bay pa Colegio Arubano Sociaal Fonds. Na Aurora lo tin un box pa donacion.

Tin oportunidad pa condoleer diabierna 21 di september 2018 for di 6 or pa 9 or di anochi na Aurora Funeral Home.

Despues di entierro nos no ta ricibi bishita di condolencia na cas.



Joanne Stella Marini Spagnola

December 28, 1940 - September 14, 2018
 Loving widow of Thomas Anthony Spagnola
 Survived by children Amy and Adam Spagnola
 Wife, mother, beloved family member and friend,
 Nurse and EMT

Loved by family:

Sister - Alice Marini
 Brother - Joe Marini and son Matt
 Sister-in-law Judy Spagnola
 Brother-in-law John Spagnola and wife Janet
 Niece Joelle Spagnola Chiappine and daughter Hannah Chiappine
 Nephew Johnathan Spagnola

Dear Friends in Aruba:

Joanne Dongen
 Pamela Gumbs
 Wilfred Polak

Celebration of life will be Saturday, September 22, 2018, from 5:30-6:30 pm at Aurora Funeral Home.

Instead of flowers, we ask that you leave a donation in Joanne's name to the Foundation Aruba Birdlife Conservation
 Aruba Bank Account 2402860190

She loved birds and was fascinated with our birdlife here, help her fly to Heaven to be with Thomas again and let her know she made a little difference here.

FOR ALL YOUR FLYER DISTRIBUTIONS



Call: 582-7800
email: accounting@cspnv.com



"Jezus a bisa; Laga e muchanan bin serca mi"

Oldric Justin Fernandes Pedra
 *25-04-2010 - †13-09-2018

Na number di su:

Mayornan: Aldric Patrick Fernandes Pedra
 Isabella Shanty Scheuermann y esposo y yuinan
Rumannan: Colin Jeter Alexander Fernandes Pedra
 Scarlett Victoria Adara Fernandes Pedra
 Chanel, compaño y yiu
 Chanaya Fernandes Pedra
Omonan: Joselito, esposa Fernandes Pedra y yuinan
 Eltienne, esposa Yarzagaray
 Benjamin, esposa Boekhoudt y yuinan
Tanchinan: Elgeny, esposo Yarzagaray y yuinan
 Stephany Yarzagaray
 Jealdyne Yarzagaray
Welonan: Jose Fernandes Pedra
 Ligia Margarita Fernandes Pedra Fingal
 Marie Farine Howell Hendrick Albujar
 Enrique Hendrick Albujar
 Ruben Yarzagaray
Bisawelonan: Mirna Broke
 Lidia Yarzagaray
 Zacarias Yarzagaray
Tanta grandi: Glenda Nicolaas Fingal y esposo y yuinan
 Olga de Kort Fingal esposo y yuinan
 Lima Fingal y compaño
 Ivonne Fingal y yuinan
 Carmen Serano Fernandes Pedra esposo y yiu
 Eladia Fernandes Pedra y yuinan
 Cecilia Fernandes Pedra esposo y yuinan
 Teresa Cruz Fernandes Pedra esposo y yuinan
 Luisa Fernandes Pedra y yiu
 Lucia Fernandes Pedra y yuinan
 Esther Yarzagaray y esposo
Omo grandinan: Franklin Fingal esposa y yiu
 Eric Fingal y yuinan
 Mirto Fernandes Pedra esposa y yuinan
 Mike Fernandes Pedra esposa y yuinan
 Jose Howell y yuinan
 Jean Howell y yuinan
 Nicolaas Howell y yiu
 Edward Yarzagaray compaño y yuinan
Madrina y padrino: Evan Nedd y Micheline Gomes
Demas famianan: Fernandes Pedra, Yarzagaray,
 Scheuermann, Fingal, Geerman, Howell, Brokke, de Kort, Garcia, Jansen, Peasch, Tromp y Angela
Su amigitonan di scol Filomena collegio y montesourri

Dresscode: Blanco, Preto, Cora

Nos kier a invita tur amigito(a)nan di Aruba completo y tambe na team Paesch y tur e otro coreador nan pa e ultimo careda di Justin cual ta tuma lugar diasabra 22 Di September 2018 pa 4or di atardi na Misa Santa Teresita na San Nicolas y despues saliendo pa Santana Central na Sabana Basora. Justin lo ta reposa for di 1or di atardi na Misa.

Si en caso den nos tristeza nos por a lubida algún persona of famia, nos ta pidi nos mas sincero disculpa.

Adres pa condolencia: Theresita Center
diabierna 21 september 2018
for di 6:30 pm pa 9:30 pm

Nos ta lamenta cu después di entierro nos no ta ricibi bishita di condolencia na cas

Staff y personal di Ad Patres funeral home ta extende nos mas sincero condolencia na famia di e fayecido.
Condolencia por wordomanda riba nos website:
 adpatresnv@hotmail.com



“Señor ta mi wardador, mi’n tin
falta di nada
Den cunucu di yerba berde e ta
ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristeza na nos curazon
pero cu boluntad di Dios nos ta
participa fayecimento
cristianamente di :

Sra. Brenda Evelina Panneflek- Kelly

Cariñosamente yama : ‘Mama Brenda’ , ‘Tanchi
Brenda’

*6 september 1953 †17 september 2018

Na number di su:

Mayornan: †Bernardo Kelly
†Felicia Francisca Kelly-Thode
Esposo: Sotero Theodor Panneflek
Yuinan: Jacqueline y Cesar Cruz- Hironimo
Irma y Edel Rodriquez- Hironimo
Myla Richard y Kenneth Schwengle

Nieta (o) nan : Luwshjen Cruz y Rosanne Tromp,
Ashnah Cruz y Elton Henriquez, Anward Cruz, Antoine
Cruz, Amadé Frias y Franco Wouters, Admee Erasmus
y Jeffrey Henriquez, Amir Rodriquez, Xhaimery
Schwengle, Xhairiq Schwengle

Bisanieto (a) nan: Seanriq Westerburger, Jayron
Paskel, Jeffrey Henriquez

Rumannan: Hubert y Catharina Kelly-Albertsz y
familia, †Irma Bernadeta Kelly, Ruben y Marijke Kelly-
Kruyswijk y familia na Hulanda, Wilfred Kelly y Diana
Ras y familia, †Roland Michael Kelly y yuinan, Melva
y Elgio Ras- Kelly y familia, Miriam Kelly y Rudy
Ustacia y familia, Oscar y Ana Maria Kelly- de L’Isle y
familia, Marcia Kelly y †Gabriel Thomas y familia, Oslin
Kelly y yuinan

Tanta y Omo nan: Sra. Viuda Elvira Kock-Thode y yui,
Mario y Marelva Thode – Trinidad y familia

Madrina, padrino y bon amigonan di cas.

**Sobrino y Sobrina nan, sobre Sobrinonan mucho pa
menshona, Primo y Prima nan, Iha (nan), bisiaña,
amigonan y conocirnan.**

Demas familia:

Kelly, Panneflek, Cruz, Hironimo, Richard, Frias,
Erasmus, Rodriquez, Henriquez, Thode, Helder,
Wouters, Schwengle, Westerburger, Paskel, Albertsz,
Kruyswijk, Ras, de L’Isle, Thomas, Trinidad, Rosel,
Ustacia, Flanegin, Boekhoudt, Middendorp, Kock, v/d
Linden, Jansen, Contancia, Winterdaal, Simileer,
Oehlers, Nagelkerke, d’Aguir, Tromp, Britten,
Filiciano, Obispa, Vrolijk, Donata, Donati, Van Cleef,
Van der Biezen, Werleman, Maduro, Geerman, Willems,
Cornet, Wever, Bikker, Albertus, Croes, Hernandez,
Pourrier. De Cam, Mercela.

**Acto di entierro lo tuma lugar diasabra 22 september
2018 na Royal Aurora Funeral Home & Crematory
di 2or pa 4or despues cremacion den seno familiar.
Condolencia lo tuma lugar na Royal Funeral Home
diabierna 21 september 2018 di 7or pa 9or anochi.**

Deseo di familia pa bin bisti na color nan alegre.

**Despues di despedida nos no por ricibi bishita di
condolencia na cas.**

**Nos ta pidi nos disculpa si nos por a lubida un of otro
familia nan den nos tristeza.**



Ki alegria, ora nan a bisa mi:
"Ban cas di Señor!"
I awor, ata mi aki para na bo porta Señor.
Salmo 122

Cu inmenso tristesa na nos curason nos ta anuncia
fayecimento di nos ruman y tanta stima:



Maria Faro

Mihor conoci como ‘Ina’
*17-09-1933 - †14-09-2018

Na number di su:

Mayornan: †Maria Dominica Faro-Franken
†Higinio Casper faro

Mama di criansa:

†Anna Pulcheria Faro-Semeleer

Rumannan:

Theresita Kock-Faro, Betto, yiu Anthony y familia
Irena Dijkhoff-Faro, †Freddy, yiu Ethleen, Gina,
Ralph y familia
Isnardo “Chonay” Faro, Petra, yiu Jorge, Juni y
familia
Antonia Faro, yiu Ghislaine, Daymond, Julisa y
familia
Ursula Faro y yiu Yoana
†Pablo Tromp, Stefanita, yiu y familia

**Primo y primanan, sobrino y sobrinanan,
compañeronan, habitantenan y lidernan di “Cas
Ambiente Felis”, bisiañan y conocirnan.**

Demas familia: Faro, Franken, Semeleer, Kock, Dijkhoff,
de Cuba, Dabian, Infanzon, Simileer, Figaroa, Ruiz,
Flanegin, Tromp, Maduro, Thiel, Bislip, Ignacia, Kelly,
Arends, Quevedo, Medina, Webb, Schouten, Britten,
Dirks, Mercera

**Nos ta invita pa acto di condolencia y entierro cual lo
tuma lugar diabierna 21 di september 2018 na Misa
Sta Anna na Noord di 9or pa 11or di mainta. Despues
lo sali pa Santana Catolico na Noord.**

Lo tin un box disponibel pa un bon causa

**Nos disculpa si den nos tristesa nos por a lubida
algun familia of conocir.**



Señor ta mi Luz y Salbacion (Salmo 27)

Cu hopi tristeza pero conforme cu
Boluntad di Dios, nos ta participa cu a bay laga
nos,
nos mama, wela, bisawela, suegra, ruman y tanta
stima.



Sra. Regina Ruiz-Kock

Mihor conoci como ‘Nina’ of ‘Machi’
Vda. di Juan Bautista Ruiz
*01-08-1928 †16-09-2018

Na number di:

Yiunan: Teresita y Mateo Tromp Ruiz y familia
† Regina y Martino Britten Ruiz y familia
Antonio y Philomena Ruiz Geerman y familia
Johanna (Betty) y Norman Browne Ruiz y familia
Nicomeda (Mena) y † Francisco Boekhoudt Ruiz y
familia
Juan y Doris Ruiz Lopez y familia
Monico (Theo) y Erica Ruiz Tromp y familia
Sandra y Elvin Tromp Ruiz y familia
Guillermo (Glenn) y Luz Ruiz Campo y familia
Melinda y Raymond Tromp Ruiz y familia

Nietonan: Sergio y Natalie Tromp v/d Linde,
Andre Tromp y Madeline Geerman, Vanesca
Maduro Tromp, Carolyn y Melvin Rasmijn Britten,
Marilyn Britten, Cheryl Ruiz y Joshua Lacle,
Geordino y Nini Ruiz Soto, Natasha Browne, Ewald
y Iliana Browne Croes, Francella Boekhoudt y
Kerrel Alberto, Ryan y Minerva Boekhoudt Schaap,
Francis Boekhoudt y Maisai Tromp, Geraldine y
Igmar Benschop Ruiz, Theric Ruiz y Ghislaine
Croes, Carina Ruiz , Sandrick Tromp y Paula
Croes, Eldrick Tromp, Glenrick Ruiz

Bisanietonan: Natselane Tromp, Andrienne &
Xander Tromp, Brandon & Dion Rasmijn,
Cadace & Preston Arendsz, Elise & Celeste
Lacle, Julian Ruiz, Elijah Browne, Elvis (Junior)
Maduro, Tyrone & Akira Benschop, Therilaine &
Thericson Ruiz, Jaycee Espinal, Tai King & Tai
Keng Lee, Alvin & Alenor Tromp

Rumannan: † Marianita Zievinger y familia
† Agustin Kock y familia
† Secundino Kock y familia
† Emiliano Kock y familia
† Lorenzo Kock y familia
† Francisco Kock y familia
† Pedro Kock y familia
† Juancho Kock y sra vda. Maria Kock y familia
† Maria Luisa Jansen-Kock y familia
Aura Kock

Tur sobrino y sobrina nan, iha nan, comer y
comper nan, bisiaña-, conocir- y demas familia nan.

Adres pa condolencia: Royal Funeral Home,
diamars 18 di september 2018 di 7or pa 9or di
anochi.

**Ta invita pa e acto di entierro cual ta tuma lugar
diahuebs 20 di september 2018 na misa Santa
Anna na Noord di 9or pa 11or di mainta,
despues saliendo pa santana Catolico na
Noord.**

Enbes di flor of krans un donación pa misa Santa
Anna lo ta altamente aprecia.

Despues di entierro nos no ta ricibi bishita di
condolencia na cas.



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 19 Sept 2018 Anochi

| |
|----------------|
| CATACHI |
| Sorteo # 6586 |
| 8297 |
| 2505 |
| 0728 |
| BIG 4 |
| Sorteo # 5630 |
| 0350 |
| 1OFF |
| Sorteo # 335 |
| 1145 |
| ZODIAC |
| Sorteo # 4389 |
| 1311 |
| Aries |
| KORSOU |
| Sorteo # 2182 |
| 5920 |
| 0986 |
| 2444 |

| | |
|------------------|-----------------------|
| LOTTO 5 | 09-13-19-22-27 |
| Sorteo # 1934 | Joker 6 Letter C |
| 1x Jackpot | |
| 1x Match 4+ | |
| 33x Match 4 | |
| 1141x Afl. 12,00 | 100.000,- |

| | |
|------------------|-----------------------|
| LOTTO DIA | 13-15-16-18-30 |
| Sorteo # 4535 | Proximo Jackpot |
| 0x Jackpot | |
| 8x Match 4 | |
| 150x Afl. 8,00 | 63.000,- |

| | |
|------------------|------------------|
| MINI MEGA | |
| Sorteo # | Mega Ball |
| 0x Jackpot | |
| 0x match 4 | |
| 0x Afl. 500,00 | |
| 0x Afl 50,00 | |
| 0x Afl.15,00 | 320.000,- |

| | |
|-----------------------|-----------------------|
| MINI MEGA PLUS | Afl. 420.000,- |
|-----------------------|-----------------------|



DIARIO 2074-1924-7985

SUPER 4 1067

FLAMINGO 7062-9723-8477



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 19 Sept 2018 Merdia

| |
|----------------|
| CATACHI |
| Sorteo # 2335 |
| 4065 |
| 2091 |
| 8502 |
| BIG 4 |
| Sorteo # 2335 |
| 3283 |
| 1OFF |
| Sorteo # 391 |
| 5927 |
| ZODIAC |
| Sorteo # 2335 |
| 5020 |
| Cancer |

| | |
|----------------|--------------------|
| LOTTO 5 | |
| Sorteo # | Joker Letter |
| 0x Jackpot | |
| 0x Match 4+ | |
| 0x Match 4 | |
| 0x Afl. 12,00 | 1.100.000,- |

| | |
|------------------|-----------------|
| LOTTO DIA | |
| Sorteo # | Proximo Jackpot |
| 0x Jackpot | |
| 0x Match 4 | |
| 0x Afl. 8,00 | 62.000,- |

| | |
|------------------|------------------|
| MINI MEGA | |
| Sorteo # | Mega Ball |
| 0x Jackpot | |
| 0x match 4 | |
| 0x Afl. 500,00 | |
| 0x Afl 50,00 | |
| 0x Afl.15,00 | 320.000,- |

| | |
|-----------------------|-----------------------|
| MINI MEGA PLUS | Afl. 420.000,- |
|-----------------------|-----------------------|



Aries

Yena bo mes di curashi y tuma e decision importante ey. Bo mundo interior ta fortalece y e percepcion y intuicionnan cu ta yega cerca bo awo ta mas cla y exacto. Nummernan pa awe: 3, 21, 24 y 33.



Tauro

Defende loke bo tin na e momentonan aki. Bo amor a yega? No laga esey bay. Defende bo posicion actual cu inteligencia y ta hopi tactico pa nan no probecha di bo. Nummernan pa awe: 1, 20, 26 y 30.



Geminis

Lo bo logra fortalece y alegra bo bida amoroso. Papia, expresa bo mes y lo bo experimenta un giro positivo den bo bida sentimental. Bo por pasobra bo tin e facilidad. Nummernan pa awe: 17, 23, 34 y 42.



Cancer

Lo bo siña hopi den un encuentro feliz. Lo bo bay haya bon solucion na problemanan sentimental presente, pero cu lo rekeri un dosis mayor di comprension. Nummernan pa awe: 1, 4, 16 y 20.



Leo

Cambia e opinion cu bo tin di un hende. Si bo obligacionnan laboral of social no ta duna bo espacio pa comparti bo cama y calidad di tempo bo por pone bo relacion na peliger. Nummernan pa awe: 19, 23, 26 y 30.



Virgo

No regala bo tempo sin cu e tin balor. Uza bo recursonan cu ta hopi y bon. E transito di luna ta hopi protegi, pasobra e lo yuda bo concentra den cosnan importante. Nummernan pa awe: 2, 27, 37 y 45.



Libra

Actua cu mas cautela y hopi pasenshi. No warda mas di loke e otro persona por brinda bo. Den e dianan aki e diferencia di naturalesa placentero, por bira posesivo y dominante. Nummernan pa awe: 11, 27, 35 y 42.



Scorpio

Hopi soño lo materialisa. Declara bo sentimentonan y expresa bo mes cu ternura, lo bo logra hopi. No mira amor manera algo leu y imposibel pa bo. Nummernan pa awe: 8, 23, 35 y 42.



Sagitario

Lo bo por priminti cu loke bo no por cumpli. Si bo no tin nada agradabel pa comenta bo pareha, miho bo keda keto y no dañe e dia bunita aki cu un pelea absurdo. Nummernan pa awe: 9, 27, 31 y 46.



Capricornio

Aplica e tolerancia y tur cos lo bay bon. No tuma na serio observacionnan di hende cu ta mete y lo bo evita problemanan cu bo pareha. Pone tolerancia funciona. Nummernan pa awe: 14, 25, 32 y 45.



Aquario

Duna libertad na bo relacion amoroso. Bo lo sinti bo mes obliga na domina bo pareha pero cu bo actitud lo bo aleha su persona di bo banda. No ta bon pa controla tur hende. Nummernan pa awe: 19, 21, 26 y 30.



Pisces

Bo tin cu actua cu hopi corecto den tur cos. No bira inkieta y tuma tur cos cu calma. Lo bo ta den control di bo emocionnan y por actua cu cautela. Nummernan pa awe: 13, 27, 31 y 43.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Hende
Muhe den dificultad
Tel: 583-5400**

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14
Aruba
297-588-3376

Famia Planea (SBVO)

Avenida Milio J Croes 17
B Aruba
297-588-9591

www.famiaplanea.org
famiaplanea@hotmail.
com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

A1 Taxi Services Aruba

Italiestraat 50 lokaal 7
Tel: 587-8850
Tel: 280-2828
Whatsapp: 592-7024
E-mail: a1taxiservices.
aruba@hotmail.com

Mobility Equipment Hire

Tel: 568 5165



Dokter na warda

Oranjestad
Dr. Gonzalez
Tel. 583 0660

San Nicolas
Dr. Linden v/d
Tel. 584 6427

Botica na warda

Oranjestad:
Sta Anna Tel. 586 8181

San Nicolas
Centro Medico Tel. 584 5794

SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Schedule september 2018

| | | | AME | DEPT | MENTH |
|-----|----|---------------------|-------|-------|-------|
| WED | 12 | MONARCH | 06.30 | 15.30 | B |
| | | FREEDOM OF THE SEAS | 07.00 | 23.00 | C |
| TUE | 18 | CELEBRITY EQUINOX | 11.00 | 23.59 | C |
| WED | 19 | MONARCH | 08.00 | 15.30 | C |
| THU | 20 | CARNIVAL CONQUEST | 08.00 | 16.00 | C |
| FRI | 21 | CARNIVAL BREEZE | 12.00 | 22.00 | C |
| WED | 26 | MONARCH | 06.30 | 15.30 | B |
| | | FREEDOM OF THE SEAS | 07.00 | 23.00 | C |
| THU | 27 | CARNIVAL HORIZON | 08.00 | 16.00 | C |

Centrale Bank van Aruba Daily Exchange Rates - 09/19/2018

| Currency ¹ | Buying from Public ² | Buying from Public ³ | Selling to Public |
|-----------------------|---------------------------------|---------------------------------|-------------------|
| ANG | 98.00 | 100.00 | 100.20 |
| ANG1 ⁴ | - | - | 100.00 |
| USD | 1.77 | 1.78 | 1.80 |
| CAD | 1.35 | 1.37 | 1.39 |
| CHF | 183.63 | 184.35 | 185.15 |
| GBP | 2.27 | 2.32 | 2.38 |
| JPY | 157.11 | 158.54 | 160.13 |
| EUR | 206.15 | 208.04 | 210.13 |
| DKK | 26.91 | 27.63 | 28.43 |
| NOK | 20.80 | 21.52 | 22.32 |
| SEK | 19.01 | 19.73 | 20.53 |

For amounts up to Afl. 100,000

EMERGENCIA

911

| | |
|--------------------|----------|
| POLIS | |
| Oranjestad | 100 |
| San Nicolas | 104 |
| Santa Cruz | 105 |
| Noord | 107 |
| Tip Line | 11141 |
| Brandweer | 115 |
| Ambulance | 911 |
| Hospital | 527-4000 |
| Imsan | 524-8833 |
| Warda Costa | 913 |
| Seguridad Nacional | 11911 |
| Cruz Cora | 582-2219 |

| | |
|-------------------|----------|
| Aloe | 584-4606 |
| 4 Centro Medico | 584-5794 |
| Central | 585-1965 |
| Dakota | 588-7364 |
| Del Pueblo | 582-1253 |
| Eagle | 587-9011 |
| Kibrahacha | 583-4908 |
| Maria | 585-8145 |
| Di Servicio Noord | 586-4606 |
| Oduber | 582-1780 |
| Paradera | 588-6638 |
| San Lucas | 584-5119 |
| San Nicolas | 584-5712 |
| Santa Anna | 586-8181 |
| Santa Cruz | 585-8028 |
| Sero Preto | 584-4833 |
| Trupial | 583-8560 |

UTILIDAD

| | |
|-------|----------|
| Setar | 117 |
| Web | 525-4600 |
| Elmar | 523-7147 |

FUNERARIA

| | |
|------------------|----------|
| Aurora | 588-6699 |
| Ad Patres | 584-2299 |
| Olive Tree | 584-8888 |
| Royal Funeral H. | 586-4444 |



CENTRALE BANK VAN ARUBA

Pronostico di Tempo



Tempo:

Parcialmente te temporalmente hopi nubia cu localmente un awasero.
Temperatura maximo 33 grado Celsius y temperatura minimo 28 grado Celsius.
Solo lo baha awe nochi 06:38pm y lo sali mañan mainta 06:29am.

Biento:

Moderate te basta fuerte for di generalmente direccion oost; Forsa 4 te 5 (20 te 39km/ora, 11 te 21 nudo).
Den dia fuerte te posiblemente duro den rafaga; Forsa 6 te 7 (40 te 61 km/ora, 22 te 33 nudo).

Situacion general di tempo:

Den proximo 24 ora humedad y instabilidad de region local debi na un ola tropical cu ta moviendo den parti oost di area di Caribe bayendo west, lo pone cu temporalmente mas nubia lo forma den region local.
For di esakinan por cay localmente un awasero cu posibilidad chikito pa lamper cu strena.

Condicion di lama:

Olanan di lama lo ta for di direccion oost cu haltura di 4 te localmente 7 pia. E olanan di mas halto na costanan oost, noordoost te noordwest di e isla.

BONDIA
ARUBA

**Si bo ta bebe
NO STUUR**



**Caribbean
Cinemas**

MEGAPLEX 8

caribbeancinemas.com Caribbean Cinemas Aruba

SEPTEMBER 20 - 26

**VIP CARIBBEAN CINEMAS VIP
GRAND OPENING TODAY!**



BOYD HOLBROOK | TREVANTE RHODES

PREDATOR

WITH SPANISH SUBTITLES [R]

MON-FRI 4:35 | 7:15 | 9:35

SAT-SUN 2:35 | 4:35 | 7:15 | 9:35



JACK BLACK | CATE BLANCHETT

THE HOUSE ON THE EDGE OF THE WORLD

WITH SPANISH SUBTITLES [PG]

MON-THU 4:35 | 6:55 | 9:15

FRI 4:35 | 6:55 | 9:15 | 11:35

SAT 2:15 | 4:35 | 6:55 | 9:15 | 11:35

SUN & HOL 2:15 | 4:35 | 6:55 | 9:15



BLAKE LIVELY | ANNA KENDRICK

A Simple Favor

WITH SPANISH SUBTITLES [R]

MON-THU 3:45 | 6:20

FRI 3:45 | 6:20 | 10:50

SAT 3:20 | 6:20 | 10:50

SUN & HOL 3:20 | 6:20



DEMIÁN BICHIR | TAISSA FARMIGA

THE NUN

WITH SPANISH SUBTITLES [R]

MON-THU 5:05 | 7:20 | 9:35

FRI 5:05 | 7:20 | 9:35 | 11:50

SAT 2:50 | 5:05 | 7:20 | 9:35 | 11:50

SUN & HOL 2:50 | 5:05 | 7:20 | 9:35

RAYMOND POZO | MIGUEL CÉSPEDES

HERMANOS


SPANISH [PG-13]

MON-THU 5:10 | 7:10 | 9:10

FRI 5:10 | 7:10 | 9:10 | 11:10

SAT 3:10 | 5:10 | 7:10 | 9:10 | 11:10

SUN & HOL 3:10 | 5:10 | 7:10 | 9:10



JENNIFER GARNER | JOHN GALLAGHER JR.

PEPPERMINT

WITH SPANISH SUBTITLES [R]

MON-THU 4:40 | 7:00 | 9:20

FRI 4:40 | 7:00 | 9:20 | 11:40

SAT 2:20 | 4:40 | 7:00 | 9:20 | 11:40

SUN & HOL 2:20 | 4:40 | 7:00 | 9:20

JASON STATHAM | RUBY ROSE

THE MEG

WITH SPANISH SUBTITLES [PG-13]

MON-SUN 5:50

Palm Beach Plaza
Aruba | 586.0074

THE MAGIC OF THE MOVIES
ON YOUR MOBILE DEVICE

Download on the
App Store

GET IT ON
Google Play

Impact Cafe cu conscientisacion riba tema di abuso



ORANJESTAD - Heart-Centered Leadership Foundation ta organisa, BOU capa di su plataforma di hoben Aruba Youth Impact! un encuentro pa hobennan unda e tema di dia lo ta conscientisacion riba e topico di abuso.

Impact Café ta un rato social pa hobennan por trece nan perspectiva dilanti di diferente topico cu nan ta haya importante. Impact Café ta basa riba e modelo di 'World Café', unda ta enfatisa e importancia di combersacion pa yega na solucionnan pa resolve y mehora situacionnan cu ta pasa den comunidad.

Den luna di juli a organisa tres Impact Café riba e topiconan cu ta aparece den derecho di mucha: educacion, participacion, proteccion y salud. Durante e encuentronan aki, e tema di abuso a bin dilanti y hobennan a comparti nan solucionnan pa cuminsa traha riba prevencion di abuso na Aruba.

Impact Café: 'Speak Up For The Future Against Abuse' ta tuma lugá diaranson, dia 26 di september di 2:30pm pa 5:00pm na Teresita Center, San Nicolas. Participacion ta gratis y participantenan lo ricibi algo di come y bebe durante e actividad. Edad di participacion ta 14 aña pa 20 aña.

rante e actividad. Edad di participacion ta 14 aña pa 20 aña.



Nos ta haci un invitacion na hobennan cu lo kier forma parti di e actividad aki: 'laga bo bos resona y ban traha hunto riba prevencion di abuso aki na Aruba'. Cupo ta limita, pues registra awe mes na arubayouthimpact@gmail.com of via 594-2520.

Impact Café ta wordo co-financia door di CEDE Aruba y ta conta cu apoyo y sosten di Futura Lab y Nacional SDG Comision. E meta di Aruba Youth Impact ta pa involucra hobennan pa ta miembronan activo di comunidad door di tuma accion: comparti idea y experiencia y traha activamente pa trece cambio y haci un impacto den nan comunidad.

Unidad Economia di Colegio E.P.I. cu un anochi informativo pa mayornan

ORANJESTAD - Unidad Economia di Colegio EPI ta invita tur mayor y representante di studiantenan den e prome aña pa un anochi

informativo cu lo tuma lugar awe, diahuebs 20 di september, di 6.30pm. pa 8:00pm. den e Colleezaal di Colegio EPI (gate 2).

Union Europeo ta lansa investigacion tocante uzo di data di Amazon

BRUSSELS — Autoridadnan Europeo a bisa ayera cu nan a habri un investigacion anti-confiansa preliminar riba Amazon, tocante e trato di e gigante di e-commerce pa e comerciantenan chikito riba su website.

Notario di Union Europeo, Margrethe Vestager, a bisa cu e kier examina con Amazon, basa na Seattle, ta uza e data cu e ta colecta mediante transaccionnan, incluyendo esunnan di comerciante rival, riba su plataforma.

“E cuestion aki ta tocante e data”, sra. Vestager a bisa den un rueda di prensa. El a bisa cu e investigacion lo mira si e data, cual ta colecta pa motibonan legitimo, tambe ta wordo uza pa duna Amazon un bentaha com-



petitivo riba comerciantenan mas chikito, door di haya informacion tocante ki sorto di

producto hende lo kier compra.

Ademas di bende su mesun productonan, Amazon tambe ta permiti pa otro comerciante

bende nan producto riba nan Marketplace. Aña pasa, mas cu mita di tur producto bendi riba Amazon mundialmente tabata di otro comerciante.

“Ta hopi trempan ainda den e investigacion anti-confiansa aki tocante e maneho di negoshi di Amazon”, sra. Vestager a bisa.

El a añadi cu reguladonan di Union Europeo a cuminsa colecta informacion di e cuestion y a manda ‘un number grandi di encuesta’ na comerciantenan y otro pa tin un miho comprension di e situacion.

Esaki ta e movimiento di mas recien di Union Europeo pa somete companianan tecnologico na escrutinio creciente, entre preocupacion cu nan ta birando mucho dominante.

Legisladonan Britanico kier regula cryptomoneda



LONDON — Legisladonan Britanico a duna sosten na peticionnan pa mas regulacion riba cryptomoneda nan manera bitcoin, pa trece un elemento di control riba un mercado cu ta parce di ta un ‘Wild West’.

Den un reporte tocante moneda digital publica ayera, e Treasury Select Committee a pidi pa regulacionnan pa proteha consumidonan y preveni labamento di placa.

Legisladonan a enfatisa un industria cu ta crece hopi lihe,

cu a haya problema cu variacion di prijs, acusacionnan di fraude y preocupacionnan cu e lo por wordo uza pa patrocinacion actividad terrorista.

Monedanan virtual, conoci tambe como token, ta alternativenan electronico pa placa tradicional. E atractivo di cryptomoneda manera bitcoin ta e uzo di tecnologia ‘blockchain’, cu ta warda informacion di tur transaccion den un database, mientras ta mantene identidad di e usuarionan priva, permitiendone asina pa usuarionan evita vigilancia di parti di banco of go-

bierno. Speculacion tambe a hunga un rol den e popularidad di criptomoneda: prijs di bitcoin a hisa fin di aña pasa na mas di \$19,000, aunke desde esey el a baha, y awo ta na rond di \$6,300.

Den e reporte, e comite a bisa cu gobierno Britanico a tuma un postura ambiguo tocante regulacion, y a argumenta cu e maneho boluntario di e industria no ta adecua. Como resultado, el a bisa cu inversionistanan a keda habri pa risiconan manera prijsnan volatil, como tambe vulnerabilidad pa hacking.

Centenares a participa na e di 4 FirstBuild Hackathon anual

LOUISVILLE — FirstBuild, cu apoyo di GE Appliances, a trece hunto ekiponan di diseñadornan, programadornan, ingenieronan, studiantenan, creadonan y otro innovadonan pa e di 4 ‘Hack the Home’ Hackathon. Cu mas di \$10,000 den premio, competidonan a pasa mas cu 35 ora ideando e siguiente aparato pa cas.

E top tres ekipa, scogi di un grupo di mas di 30 proyecto, a resulta:

Prome luga (\$3,000): “My Fridge Safe”

Josh Weil, Eric Ott y Alex Vance, un trio compitiendo pa di 3 biaha den Hackathon, a inventa un lachi cu por lock den un frigidaire diseña pa warda remedi, alcohol, of hasta cuminda, unda mucha no por tin acceso na esaki.

Di dos luga (\$2,000): “Washing Machine Load Sensor”

E ekipa ‘Borderless’ (Sin Frontera), integra pa ingenieronan experto y creadonan di Mexico, Colombia y Merca, a integra tecnologia di sensor den un mashin di laba paña, cual ta adverti usuarionan mediante un serie di luz si tin demasiado peso, yudando e usuarionan spaar den awa y coriente di un mashin yena di mas.

Di tres luga (\$1,000): “Multi-Dry”

Un grupo di ingeniero di GE Appliances Edison a fabrica un mashin di laba coy kibra cu ta permiti fluho di aire cayente pa seca serbete muha. E di cuater Hackathon anual tabatin como hurado staf di FirstBuild y sponsornan, como tambe decano di



J.B. Speed School of Engineering, Emmanuel Collins; Hefe di innovacion civico y tecnologia na Louisville

Metro Government, Grace Simrall; y Jimmy DiResta, un ‘master maker’ conoci.

Apertura oficial di Summit Ministerial Post COSME paisnan LGO di Caribe



ORANJESTAD - Recientemente a tuma luga e apertura oficial di e Summit Ministerial Post COSME di e paisnan cu e status LGO den Caribe.

Meta di e Summit aki ta pa dialoga riba e opcionnan pa por continua cu e bon colaboracion y network cu a crea durante di e implementacion di e programa di COSME durante e añanan 2015-2018. Segun e comunicado, e programa COSME a wordo financia cu fondonan regional di Union Europeo pa fortalece e empresanan chikito y mediano den e paisnan LGO den e region di Caribe.

Den su disertacion, minister Ruiz-Maduro a resalta e importancia cu e programa

COSME tabata tin pa nos empresanan chikito y mediano y a indica cu nos ta keda busca forma pa por sigui profesionalisa y stimula nos empresanan na Aruba. Den gabinete Wever-Croes su vision economico empresanan chikito y mediano cu ta representa 93% di empresanan na Aruba, tin atencion special pa motibo di e impacto cu nan tin den nos economia. Ta hopi empresa chikito y mediano na Aruba a participa den curso y training cu a wordo duna pa consultants cu a wordo facilita pa Departamento di Asunto Economico via su unidadnan di IDEA y EXPRODESK. Diferente departamento di gobierno tambe a participa den varios curso via di e programa aki. Varios estu-

dio riba un gama amplio di temanan a wordo realisa, cu alnan Aruba y e otro islanan ta uzando pa asina stimula e empresanan chikito y mediano. Na Aruba e proyecto a wordo implementa conhuntamente entre Departamento di Asunto Economico y Camara di Comercio di Aruba.

E programa di COSME ta yega na su fin awor na september 2018, pero tur e 12 LGO-nan den Caribe cu a participa den e programa ta desea pa continua cu e cooperacion y apoyo na e empresanan chikito y mediano.

Algun mandatario cu a atende e Summit ta diputado di Boneiro Hubert Martis, minister di Desaroyo Economico di Corsou, Steven Martina y

minister di Salubridad, Agricultura y Asunto Humanitario di Turks and Caicos, Edwin Astwood.

Tambe a participa señora Vanessa Torre directora di Departamento pa Desaroyo Economico na Corsou, demas representantenan di gobierno di e diferente islanan, representantenan di e consultant di GOPA cu a administra e proyecto di COSME y Taiana Mora cu a elabora riba e posibilidadnan di cooperacion

Post COSME. Maria Dijkhoff-Pita, directora di Departamento di Asunto Economico hunto cu su coleganan Zulema Dabian-Erasmus y representantenan di e unidadnan IDEA y EXPRODESK tambe tabata presente.

Minister Ruiz-Maduro ta gradici tur instancia cu a haci e Summit aki posibel, specialmente Departamento Economico pa tur nan esfuerso haci den cuadro di e programa COSME.



Gobierno a firma e presupuesto 2019

ORANJESTAD - Gobierno a firma presupuesto 2019 di cual esaki lo ser entrega na E colegio di supervision financiero Caft.

Den apenas algun luna di gobernacion, gabinete Wever-Croes a prepara 3 presupuesto: Presupuesto Supletorio 2017, Presupuesto 2018 y Presupuesto 2019. E gobierno a logra baha e deficit cu a hereda den 2017 di 155 milyon te na 25 milyon pa 2019. Cu esaki nos a cumpli cu palabracionnan haci y cu nos compromiso cu e pueblo di Aruba.

Gabinete Wever-Croes a demostra cu den retonan grandi, union ta haci nos fuerte, tambe desde cu nan a cumin-



sa goberna pais Aruba desde november aña pasa. Gobierno di Aruba a hay'e confronta cu hopi retonan desde inicio di gobernacion. Retonan social, retonan economico y retonan financiero grandi. Sinembargo no a laga esakinan stroba gobernacion pero cu union y determinacion a traha pa yega na solucionnan pa cada reto.

“A pesar di tur e retonan di nos pais, gabinete Wever-Croes ta trece solucion pa evita cu esakinan bira problema. E situacion ta sigui dificil, pero nos ta riba e bon caminda. Nos ta traha na bienestar y progreso pa Aruba”, prome minister Evelyn Wever-Croes a expresa.

more data more value

Be stronger with unlimited rollover data & talk,
WhatsApp messaging plus talk & text to Digicel.



Quick Pick bundles with data & talk

300 MB

Afl. 7 / 1 day

1.3 GB

Afl. 29 / 7 day

4 GB

Afl. 65 / 30 day

Activate
now on



Digicel